

REFERAT Kommunalbestyrelsi d. 11-06-2019

Mødedato Tirsdag d. 11. juni 2019 kl. 19:30

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	8
1C8-7 Nuummi illoqarfiup qeqqa (Oles varehus), Nuuk.....	9
Ulluunerani neqeroorutini inissanik qulakkeerinnineq pillugu ilisimatitsissut.....	13
17/18-imi ukiumi atuarfiusumi atuarfiit pitsaassusii pillugit nalunaarusiaq.....	23
Nakkutilliinermiit nalunaarusiat.....	27
Inatsisartut Ombudsmandianit nakkutilliinermiit nalunaarusiaq.....	31
Kommunimut pilersaarummut tapiliussassatut siunnersuut 1C38 Qullilerfik, Nuuk.....	34
Aalajangiiffigisassat.....	38
Meeqqanut aalisakkanik sapigalinnut meeqquerivimmik allanngortitsineq.....	39
Kommuneqarfik Sermersuumut IT pillugu periusissiaq.....	42
Kommunimut pilersaarummut tapiliussaq Illut eriaginatut – Inaarutaasumik akuersissutigineqarneri	46
”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaanngin	51
Kommuneqarfik Sermersuumi aningaasat meeqqamut malinnaatinneqartarnissaat pillugu, imaalillu	56
Kommuneqarfik Sermersuumi utoqqarnut kiffartuussisarnermi periutsit atorneqartut pillugit pitsani	60
Tasiilami nunaqarfiinilu Kommunip inissiaatai piteqqamut illersuuteqanngitsut silataaniit matusinn	63
Tasiilami nunaqarfiinilu inissianik inuusuttunut naleqqussakkanik sanaartornissamik siunnersuut...	66
Sermiligaap kangerluani aalisartut illuaraannik sanaartortoqarnissaanik siunnersuut.....	69
Akuerineqarluni atuutinnginnissamik piunasaqarneq.....	72
Borgmesterip tullia siullertut atuukkunnaarnissaq.....	75
Taasariaqartut allat.....	78
Suliat matoqqasut.....	79
Lukket.....	80
Imaqarniliap akuerineqarnera.....	81

Punkt 0: Saqqaa

Ilaasortat

Asii Chemnitz Narup (IA)

Charlotte Pike (IA)

Charlotte Ludvigsen (IA)

Uju Petersen (IA)

Harald Bianco (IA)

Inge Olsvig-Brandt (IA)

Rasmine Geisler (IA)

Knud Mathiassen (IA)

Henrik Rachlev (IA)

Randi Vestergaard Evaldsen (D)

Justus Hansen (D)

Mala Høy Kúko (S)

Peter Davidsen (S)

Thiiooq Knudsen (S)

Ane Egede Mathæussen (S)

Jens Kristian Berthelsen (S)

Rolf Pike (S)

Laura Táunajik (S)

Michael Rosing (Sam)

Punkt 1: Oqaluuserisassat akuerineqarneri

Beslutning

Oqaluuserisassat suliassanik marlunnik taperlugit akuersissutigineqarput, 04J aamma 04K taakkulu immikkoortutut siullertut oqallisigineqarput.

Michael Rosing 04K suliarnut attuumavallaarnerarluni nalunaarpoq

Punkt 2: Nalunaarutit

2a. Siulittaasumit nalunaarutit

2b. Ataatsimiititanik ataavartunit nalunaarutit

Beslutning

2.a

1. Ullumi 2019-imi juunip ulluisa 11-anni ataatsimiinnermi oqaluuserisassani, kommunalbestyrelsimut ilaasortat siunnersuutaat piffissami aalajangersimasumi misiliutitut allaffeqarfimmit oqaaseqaateqarfignisarlugit aallartinneqarpoq. Taama iliortoqarpoq ilaasortat siunnersuutaat pitsaaningortikkusullugit aammalu aallaqqaataaniilli allaffeqarfiup nalilersuisimanagera nalunaarumallugu, taamaalillutik siunnersuutit ilaat kommunalbestyrelse inaarutaasumik aalajangiitinnagu oqaaseqaammik tapersernejartalissapput. Massakut periususartoq sivitsortoortitsisarpoq aamma politikerit ilaasa naatsorsuutigisarpaat kommunalbestyrelse tapersiissuteqarmat taava siunnersuutitik piviusunnngortinneqarlutik aallartinneqassasut, piviusorli unaavoq, allaffeqarfiup siunnersuut piviusunnngortinneqarsinnaanersoq nalilersortarpaa tamatumalu kingornatigut Kommunalbestyrelsimit akuersissutigisassanngorlugi imaluunniit itigartitsissutigisassanngorlugi ingerlateqqinneqartarpoq. Siunnersuutilli amerlasuut aningaasartuuteqarfiungaatsiartarput, siunnersuutinullu aningaasanik immikkoortitsisoqarsimanngikkaangat tamanna imaappoq, siunnersuut allaffeqarfimmit piviusunnngortinneqarsinnaanngitsoq. Kommunalbestyrelsip ataatsimiinneri arlalialunnguit qaangiuppata misiliineq naliliiffigineqassaaq.
2. U. 28 & 29 maaji, Nunat Avannarliit Killiit illoqarfittut pingaarnersaasa aningaasaateqarfiani siulersuisut Reykjavikimi ataatsimiipput, tassani aalajangerlugu katillugit 412.000 kr.-nik aningaasaliissuteqartoqassasoq, imatullu agguataarneqarlutik:
152.000 kr.-t Kommuneqarfik Sermersuumi Nuummiit qinnuteqaatinut; 150.000 kr.-t Reykjavikimiit qinnuteqaatinut aamma 150.000 kr.-t Tórshavn-imiit qinnuteqaatinut. Nunat Avannarliit Killiit illoqarfittut pingaarnersaasa aningaasaateqarfianut qinnuteqaatit katillugit 24-t tiguqarput, taakkunanga 16-it aningaasaateqarfimmit aningaasaliiffigineqarput. Nuuk, Kommuneqarfik Sermersooq siulersuisut ataatsimiinnissaani tullermi qaaqqusisuussaaq, taannalu 2020-mi upernaakkut/aasakut pissaaq.
3. U. 31. maaji, Naalakkersuisunut siulittaasoq, Peqqissutsimut, Isumaginninnermut Inatsisinillu Atuutsitsinnermut Naalakkersuisoq aamma kommunit sinnerini borgmesterit Kommuneqarfik Sermersuumi borgmesterimit ataatsimeeqatiserineqarlutik (oqarasuaatikkut) aggersarneqarput, tassani siunertaalluni meeqqanik inuusuttunillu kinguaassiutitigut atornerluisarnermik nuna tamakkerlugu ajornartorsiuteqarneq pillugu suleqatigiissuteqarnissaaq aamma nuna tamakkerlugu aqqiissutissarsiorinissaaq. Borgmesterit tamarmiusut peqataapput, Naalakkersuisunut Siulittaasoq peqataasinnaanani nalunaarpoq, ataatsimiigiaqqusissullu Peqqissutsimut, Isumaginninnermut Inatsisinillu Atuutsitsinnermut Naalakkersuisumut ingerlateqqinneqarnissaa innersuuullugu, taannali aamma allamik isumaqateqarsimaneq pissutigalugu peqataasinnaanani nalunaarluni.
4. U. 31. maaji, borgmesterip Aalisarnermut, Piniarnermut Nunalerinermullu Naalakkersuisoq ataatsimeeqatigaa. Kommunalbestyrelsip Aalisarnermut, Piniarnermut Nunalerinermullu Naalakkersuisumut saaffiginnissutaa borgmesterip ingerlateqqippaa, kissaatigalugu piniarnermut nakkutilliisoqartitsisoqalernissaa aamma aalisarnermik nakkutilliisoqartitsisoqalernissaa kingusinnerpaamik januaarip ulluisa siulliat 2020-mi pissasoq, aamma Tasiilaq nunaqarfiilu ilanngullugit. Naalakkersuisoq ilisimatitsivoq, nakkutilliisitsisarnerup aqqiissugaanera misissorneqaleruttortoq, tassani pineqarluni nuna tamakkerlugu piniarnermik nakkutilliisoqartitsisarnerup aamma aalisarnermik nakkutilliisoqartitsisarnerup agguataarneqarnerat. Naalakkersuisup Kommunalbestyrelsip kissaataa aamma isiginiarumavaa.
5. U. 31. maaji, Tunumi piniarnermut aalisarnermullu inuusutissarsiuqarnerup siuarsarneqarnissaanik qulakkeerinnittoqarnissaa pillugu Aalisarnermut, Piniarnermut Nunalerinermullu Naalakkersuisoqarfiup aamma Kommuneqarfik Sermersuup siunnerfigisaaq pillugu nalunaarut atsiortaat. Suleqatigiinnit anguniarneqarpoq Tasiilami piaartumik tunitsivimmik pilersitsisoqassasoq, namminersortut suleqatigalugit. Tunitsiviup tunisassiorfiullu pilersinnissai pilersaarutigineqarpoq, namminersorlutillu sulisut aningaasanut inatsisit aqqutigalugit ingerlatsinissamut tapiissutinik qinnuteqarsinnaalernissamut periarfissaqalissallutik. Tasiilami suliniutit nutaat suliarinerisa saniatigut suleqatigiit Ittoqqortoormiini piniarnermi inuusutissarsiornerup ineriartortinneqarnissaa sulissutigissavaat.
6. U. 2.-5. juuni 2019, Tromsø Kommunimeersut Nuummut tikeraarput. Tromsø Kommune-miit oqaaseqartartuusoq (borgmesteri) atorfilittani ilagalugit Nuummut tikeraarpoq. Tikeraarnermi imminut ilisarimanerulernissaaq siullertut siunertaavoq, siunertanullu ilaavortaaq illoqarfinni ineriartortitsinnermi, avatangiisinut piujuartitsinnermilu

suliassaqarfinni malittarisassanik isumaqatigiissiornerit aallartisarnissaat.

Tikeraarnermi ilaatigut suliffeqarfiit kulturikkut suliaqartut, paaqqinniffiit, suliffeqarfiit, kattuffiit, peqatigiiffiit ingerlatsiviillu takuniarneqarput aammalu workshoppertitsisoqarlunilu isumasioqatigiittoqarpoq.

7. U. 7. juuni, borgmesteri aamma Peqqissutsimut, Isumaginninnermut Inatsisinillu Atuutsitsinnermut Naalakkersuisoq ataatsimeeqatigiipput. Naalakkersuisup Qeqertarsuatsiaanut aamma Tasiilamut politikikkut sulinnermut atatillugu tikeraarsimanini ataatsimiinnermi ilisimatitsissutigaa. Tamatuma saniatigut isumaginninnermut tunngasuni ajornartorsiutaasunik ilisimatitseqatigiinneq ilisimasanillu avitseqatigiinneq pivoq.
8. Paamiut-pillugu isumaqatigiissut ualimut Borgmester Asii Chemnitz Narup-imit aamma Peqqissutsimut, Isumaginninnermut Inatsisinillu Atuutsitsinnermut Naalakkersuisup, Martha Abelsenip atsiorpaat. Paamiut pillugu isumaqatigiissut Peqqinnissaqarfiup Kommuneqarfik Sermersuullu akunnerminni isumaqatigiissutatigut qulakkeerneqarpoq, Paamiuni sulisut aqutsisullu qanimut suleqatigiinnissaat imminnullu isumasioqatigiinnissamik periarfissinneqarnissaat. Isumaqatigiissut periarfississavaa, suleqatigiit annertuumik ingerlatsinnermi iluaqutissatigut periarfissinneqarnissaq, soorlu ilaatigut angallannermut tunngasut aamma nerisassiornermut tunngasut. ”Utoqqaat illuat nutaaq peqqinnissaqarfillu uiguleriipput taamaalilluta toqqissisimaneq isumassuineq peqqissaanerlu utoqqarnut neqeroortigisinnaangorpavut. Angerlarsimaffik nutaarluinnaq atorlugu Paamiuni utoqqaat nutaamik avatangiiseqalerput, taanna illoqarfiup qeqqani inissisimavoq tassanilu utoqqaat illoqarfiup qeqqani pisut malinnaaffigisinnaalerpaat. Utoqqaat inuunermi atugaannik pitsaanerulersitsivoq. U. 12. juuni 2019, Paamiuni utoqqaat angerlarsimaffiat nutaaq atoqqaartinneqassaaq.
9. Ullut juunip qulingat & aqqarnat Kommuneqarfik Sermersuumi najukkami ataatsimiitit sisamaasut perngaammik najukkami ataatsimiitit ataatsimoorlutik isumasioqatigiisinneqarput. Kommuneqarfik Sermersuumi najukkami ataatsimiititaliat isumasioqatigiisinneqartarnerat ukioq allortarlugu ingerlanneqartassaaq.

2.b

Uju Petersen (IA), MIA siulittaasoq

Nuummi Inuusuttunut Sulissivik immikkoortoqarfinnik sisamanik tulliuuttunik isumaginnittussaq ammarneqarpoq:

1. Meeqqanik inuusuttunillu sakkortuumik nalaataqarsimasunik sullissineq
2. Inuusuttunik siunnersuineq
3. Suliniuteqareernerme malinnaaneq
4. Meeqqanut inuusuttunullu atornerluisarnermut katsorsartinnermi perorsaasumik tapersersorteqarneq.

Charlotte Ludvigsen (IA), SIA siulittaasoq:

Paamiuni Utoqqaat Illuat nutaaq

Paamiuni Utoqqaat Illuat nutaaq aqagu juunip 12-iani nal. 13.00 ammarneqassaaq.

Utoqqaat Illuat 24-inut inissaqarpoq – taakkunanga inissat 12-it innuttaasunut puiguttortunngorsimasunut naatsorsuussaallutik.

Maannakkorpiaq Utoqqaat Illuat Paamiunilu peqqinnissaqarfiup akornanni erseqqissunik isumaqatiginniutissaannik suliaqartoqarpoq.

Inunnut innarluutilinnut aqqutissiuussisog

Suliffeqarnermut immikkoortortami inunnut innarluutilinnut aqqutissiuussisumik atorfinitsitsisoqareerpoq, taassumalu isumagissavai innuttaasut innarluutillit pikkorissartinnissaat suliffissaannillu periarfissarsiuunnissaat.

Innarluutilinnut inatsit nutaaq

Inuit innarluutillit tapersersorneqarnissaat pillugu Inatsisartut inatsisissaat nutaaq juunip 5-iani 2019 akuersissutigineqarpoq, taannalu 1 januar 2020 atuutilersinneqassalluni. Ingerlatsivimmi suleriaatsit suliallu allaaserineqarneri inatsimmut naleqqussarlugit aallartereerput.

Innarluutillit pillugit immikkoortumut pilersaarut pillugu innutaasunik ataatsimiititsineq.

Juunip 3-ani 2019 Ornittakkami Kammagiit-ni innuttaasunik ataatsimiititsisoqarpoq, tassanilu Innarluutillit pillugit immikkoortumut pilersaarut qulequtarineqarpoq.

Ajoraluartumik innuttaasut qanigisaasullu takkuttut ikittuinnaapput. Taamaakkaluartoq ataatsimiinneq pitsaasumik ingerlanneqarpoq, peqataasullu amerlasuunik pitsaasunillu ilanngussaqaqlutik, tamakkulu suliap ingerlateqqinneqarnissaanut ilanngunneqarumaarput.

Suliffeqarnermut Isumaginninnermullu Ingerlatsiviup naatsorsuutigiinnarpaa, Innarluutillit pillugit immikkoortumut pilersaarut aasap naajartulernerani naammassineqarumaartoq.

Tasiilami atorneerluinermik katsorsaaneq

Kommuneqarfik Sermersooq aamma Allorfik Tasiilami atorneerluinermik katsorsaasoqarnissaanik isumaqatigiissuteqarput piffissami 1. januaari 2020-miit 1. agusti 2021-p tungaanut ingerlasussamik. Imigassamik pinngitsuuisinnaanginnermik, hashimik atorneerluinermik aningaasanoorajunnermillu katsorsaaneq Tasiilami nunaqarfinnilu tallimaasuni ingerlanneqassapput.

Piffissami tassani Tasiilami aalajangersimasunik sulisoqarnissaa isumaqatigiissutigineqarpoq.

Taamaattoq Allorfik 2019-imi marloriarluni katsorsaasoqarnissaanik aaqqissuussiniarpoq, pisariaqartitsisunik takkuttoqariataarnissaa piareersimaffiginialugu.

Allorfik katsorsaasup angalanerani akiliissaaq, taavalu Kommuneqarfik Sermersooq ininik katsorsaaffissanik, internetimik atuinnissamik, najugaqarfinnillu isumaginnittuussalluni.

Taamatut aaqqissuussineq 2021-imi upernaakkut naliliiffigeqqinneqassaaq.

Henrik Rachlev (IA), MAA siulittaasoq:

Atuartut naggataarutaasumik atuarunnaarnerat ingerlalluarpoq, nuannersumik atuarnertik naggaserpaat atuaqatiminnut maligassiullutik.

Maannakkut naggataarutaasumik misilitsinnerit ingerlapput, neriuteqarluarpugullu ajunngitsumik angusaqarumaartut. Allattariarsornerit naammassereerput, maannalu oqaluttariarsornerit naammassigajalerlutik.

Ukioq atuarfiusoq tullitut 2019-2020 pilersaarusiornera ingerlavoq

Illiniartitsisut suliaasaasa agguataarneri siulliit uani qaammatip qeteqqunnerani piariissapput

Nuussuup Atuarfiani ningioq nutaaq aallaartissaaq julip aallaqqaataani Katie Egede Motszfeldt

ASK mi pisortassarsiorneq aallartippoq.

Justus Hansen (D), SAA siulittaasoq:

Soqanngilaq

Punkt 3: Ilisimatitsissutit

Punkt 03A: 1C8-7 Nuummi illoqarfiup qeqqa (Oles varehus), Nuuk

Beslutning

Ilisimatitsissut tusaatissatut tiguneqarpoq.

Bilag

1C8-7 KAL.pdf

1C8-7 Nuummi illoqarfiup qeqqa (Oles varehus), Nuuk

Kommunimut pilersaarummut tapiliussamut siunnersuut

Ilisimatitsissut

J.nr.: 16.03.01.01-P16-1-19

Sanarfinermut Avatangiisinullu Ingerlatsivik - Pisortaq Hans Henrik Winther Johannse / HHWJ

Suliassamik eqikkaaneq

Kommunimut pilersaarummut tapiliussamut siunnersuutip immikkoortumut pioreersumut 1C8-mut nutaamik immikkuaaluttulersuivoq. Tassani B-282-ip pioreersup eqqaani, Oles Varehus, ataatsimik sanaartorfilerneqassaaq, sanaartorfissamik nutaamik peqalernissaanut ingitserinissamut periarfissaqalissalluni.

Illu nutaaq ilaatigut qulinik quleriilik sanaartorneqarsinnaavoq, assigiinngitsunik siunertalinnik soorlu pisiniarfinnik/ inuussutissarsiornermut hotelinullu/ najukkanullu atorneqassalluni.

Suliaq Sanarfinermut Avatangiisinullu Ataatsimiititap 07. maaji 2019-imi ataatsimiinnerani oqaluuserineqarpoq, ataatsimiititallu inassuteqaatit akuersissutigai suliarlu Aningaasaqarnermut Inuussutissarsiornermullu Ataatsimiititamut inaarutaasumik akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap maajip 20-anni 2019-imi ataatsimiinnerani oqaluuserineqarpoq ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassutigineqartoq

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut Kommunalbestyrelsimut tusaatissatut tiguneqassasoq

Suliassamik saqqummiussineq

Kommunimut pilersaarummut tapiliussamut siunnersuutip immikkoortumut pioreersumut 1C8-mut nutaamik immikkuaaluttulersuivoq. Tassani B-282-ip pioreersup eqqaani sanaartorfissalortoqassaaq.

Siunnersuut illoqarfimmi Nuup qeqqaniittoq ulluinnarni Oles Varehusit ilisimaneqartumi B-282-ip toqqaviani nutarterinissamut periarfissanitsitsivoq. Illoqarfimmi nutarterinermi illumik pioreertumik nutarterninemik ilaqarpoq aammalu inissiatilimmik inuussutissarsiornermullu atasunik sanaartortoqarnissaanik ilaqarluni.

Illu siunnersuutigineqartoq pingasunik quleriilimmik aallaaveqarpoq kiisalu inissianik portusuuliaq qulinik qulereeqarluni. Illuliortaaseq taamaattoq Imanermi ilisimaneqarluarpoq, soorlu Nuuk Centeri, Grønlandskbanki, Teletårnilu taamatut illuliortaaseqartut.

Illuliami init naqqarliit Imanip tungaanut sammisumik ornigarneqartartussatut aqqqissorneqassaaq, biilillu inissiffii qulisallit Aqqusinersuup tungaanut sammisut periarfissaasinnaasallutik. Illup aallaaviani inuussutissarsiornermik siunertalimmik atorneqassaaq, portusuuliamilu inissianik hotellitulluunniit siunertalimmik atorneqassalluni.

Siunnersuut malillugu immikkoortoq ineriartortinneqassaaq, suliniutit, eqqarsaatit pilersaarutillu Nuup qeqqanut pioreersut malillugit.

Aaqqiissutissatut siunnersuut – suliatigut naliliineq

Siunnersuutip Imanermi portusuunik inissialiortitsinermi suleriuseq malippaa, Illoqarfimmi illoqannginnersaq 5-imut pilersaarutit kiisalu immikkoortumut Aqqusinersuup tungaanoortumut najoqqutassat pioreertut kommunimut pilersaarummut tapiliussami 1C8-6-imi akuerineqareersumi. Siunnersuummi illoqarfiup qeqqani annertuumik eqikkaaneruvoq, kisianni Ingerlatsiviup nalilerpaa illu immikkoortumut takujuminaallisitsilissanngitsoq, kisianni akerliani Nuup illoqarfiata qeqqanut nukittorsaataasasoq. Siunnersuut illoqarfiup qeqqanut uummaarinnerulertitsissaaq, assigiingitsunillu sukisaasartarfinnik inuussutissarsiornermullu tunngasunik illoqarfimmiusunut tikeraanullu neqerooruteqalissalluni.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq. Qanittuanilu ineriartortitsinissamat pilersaarutiniq arlalinnik peqalereerpoq, taamaattorli aqquserngini annertuumik artorsartitsisoqalernissaa naatorsuutigineqarsinnaavoq.

Inatsisitigut tunngavissaq allakkallu tunngaviusumik uppersaatitallit

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17 imm. 17. november 2010-imeersoq
Inatsisartut inatsisissaat nr. 34 imm. 9. december 2015-imeersoq
Kommunimut pilersaarut digitaliusoq www.sermersooq2028.gl

Ingerlaqqinneq

Siunnersuut tamanut tusarniaassutigineqassaaq sap. ak. 6-ini.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussassatut siunnersuut sapaatip akunnerini 6-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Ingerlatsivinniit allaniit oqaaseqaatigineqartut

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 07. maaji 2019-imi aalajangernera:
Ataatsimiititap inassuteqaat akueraa

Aningaasaqarnermut Inuussutissarsiornermullu Ataatsimiititap 20. maaji 2019-imi aalajangiinera:
Inassut akuerineqarpoq

Ilanngussaq

1. Kommunitum pilersaarummut tapiliussamut siunnersuut 1C8-7 Nuummi illoqarfiup qeqqani (Oles varehus), Nuuk

Punkt 03B: Ulluunerani neqeroorutini inissanik qulakkeerinnineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Ulluunerani neqeroorutini inissanik qulakkeerinnineq pillugu ilisimatitsissut

Ilisimatitsissut

J.nr.: 28.00.00-G01-43-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup utaqqisunut allattuivimmiittut ikilisinnissaat kommunimilu paaqqinnittarfimmi inissanik qulakkeerinninnissamik qinnuteqarsinnaaneq sulissutigaa. Ingerlatsivik ullumikkut ilaatigut Nuummi utaqqisunut allattuivimmiittut ikilisinnissaat ajornartorsiutigaa.

Ilimagineqarpoq ajornartorsiut siunissami annertunerulissasoq, tassa ilimagineqarmat Nuummi innuttaasut 2030-p tungaanut 30.000-it tikillugit amerlassuseqalissasut, tassunga ilanngullugit meeqqat 0-6 ukiullit, tassungalu peqatigitillugu paaqqinnittaarfii illuutillu pioreersut nungullassallutik.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tasanilu ataatsimiititami suliaq tusaatissatut tiguneqarpoq, suliarlu Aningaasaqarnermut Inuussutissarsiornermullu Ataatsimiititami Kommunalbestyrelsimullu ilisimatitsissutit ingerlateqqinneqarluni.

Suliaq Aningaasaqarnermut Inuussutissarsiornermullu Ataatsimiititap maajip 20-anni 2019-imi ataatsimiinnerani oqaluuserineqarpoq ataatsimiititamillu akuerineqarluni, suliarlu ilisimatitsissutit Kommunalbestyrelsimut ingerlateqqinneqarpoq.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut Kommunalbestyrelsimut tusaatissatut tiguneqassasoq

Suliassamik saqqummiussineq

2030-p tungaanut ineriartorneq

Nuummi innuttaasut 2030-mi 30.000-inngornissaat (Pissarsivik: Kommuneqarfik Sermersuumut kommunimut pilersaarut, Takorluukkat Pingaarnarullu Ilusaa) pillugu politikkikkut anguniagaq tunngavigalugu ilimagineqartut meeqqat 0-6 ukiullit 2030-p tungaanut amerlissasut. Innuttaasut procentinngorlugit amerlassusaasa naatsorsornerat tunngavigalugu missingiummi siulittuutigineqarpoq Nuummi meeqqat 0 aamma arfinillit akornanni ukiullit 1977 aamma 2754-t akornanni amerlassuseqassasut. Nuummi meeqqat taamatut ukiullit 1. januar 2019-imi 1674-iupput. (Pissarsivik: Kalaallit Nunaanni Naatsorsueqqissaartarfik)

Ingerlatsivik meeqqat amerlassusissaanni siumut naatsorsuineq tunngavigalugu naliiivoq inissanik qulakkeerinninnissamik kissaateqarneq anguneqassappat tassungalu peqatigitillugu paaqqinnittarfii arfinillit isaterneqarnissaat matuneqarnissaalluunniit ilimagineqartariaqarluni, meeraaqqeriviit ukioqatigiinngiaanut meeqqeriviit nutaat ikinnerpaamik qulit ulluuneranilu meeraaqqeriviit meeqqeriviillu ukioqatigiinngiaanut nutaat 15-it tikillugit atorfissaqartinneqassasut.

Naatsorsuinerni ulluunerani paaqqinnittarfimmuq ataatsimut periuseq meeqqanut 88-inut inissalik, ininut arfinilinnut agguarlugit, aallaavigineqarpoq.

Paaqqinnittarfiit inissallu amigaataanerisa saniatigut Meeqqanut Atuarfeqarnermullu Ingerlatsivik aamma naliliivoq, sulisussarsiortarnissamut tunngatillugu aaqiissuutissat eqqarsaatigineqarnissaat pisariaqartinneqassasoq. Pissutsit assigiinngitsut tassunga tamassumalu qanoq aaqinneqarnissaannut sunniuteqarput. Meeqqanut Atuarfeqarnermullu Ingerlatsiviup ullumikkut misigaa, kommunip ulluunerani paaqqinnittarfiani, pingaartumik Nuummi, sulisunik amigaateqarneq isumaginninnermut aamma meeqqanik sullissinermi ikiortit atorfii inuttalerniarneri ajornartorsiutaasoq.

Kommuneqarfik Sermersuumi utaqqsunut allattuiviit pillugit ullumikkut killiffik
Meeqqanut Atuarfeqarnermullu Ingerlatsiviup kommunimi utaqqsunut allattuiviit pisariaqarunnaarnissaat kommunimilu ilaqutariinnut meerartalinnut inissanik qulakkeerinnittarnermik neqerooruteqarsinnaaneq suliniutigaa.

Meeqqat utaqqsunut allattuivimmiittut amerlassusaat ukiup ingerlanerani allanngorartarput. Meeqqanut Atuarfeqarnermullu Ingerlatsiviup ukiut naanerini tamani misigisarpaa inissanut innersuussisarneq unittartoq, tassa meeraaqqerivinni meeqqerivinnilu inissat ulikkaaqqasarmata. Tamanna meeqqat meeraaqqerivimmiittut, ukiutik pissutigalugit meeqqerivinnut nuunneqartussat nuunneqarsinnaannginnerinik kinguneqartarpoq. Tamanna aamma meeqqat meeraaqqerivinnut utaqqsunut allattuivimmiittut amerlisarnerinik kinguneqartarpoq.

Marsip aallaqqaataata missaani meeqqat atualersussat AKO-mut nuunneqarnerat aallartittarpoq. Tamassumani meeqqerivinni inissaqalertarpoq, nikerartinneqarnerillu taamaalillutik aallartittarlutik. Meeqqanik meeraaqqerivinniittunik meeqqerivinnut nuunneqarnissamut piareeqqasoqartarpoq, taamaalillunilu meeraaqqerivinni meeqqanut utaqqsunut inissamik neqerooruteqarnissamut inissaqartitsilertarluni. Taamatut ingerlasoqartarnera ukiut tamaasa misigineqartarpoq.

Meeraaqqerivinnut utaqqsunut allattuivik pillugu tabeli ataani takutinneqarpoq, kingusinnerusukkullu meeqqerivinnut utaqqsunut allattuivik pillugu tabeli takutinneqassaaq.

Meeqqat qaammatinik pingasunik utoqqaassuseqaleraangamik meeraaqqerivinnut utaqqsunut allattuivimmuq allatsissinnaapput arfinilinnillu qaammateqaleraangamik aallartissinnaasarlutik. Meeqqat meeqqerivinni aallartissinnaasutut nalilerneqarunik ukiunik marlunnik qaammatinillu qulinik utoqqaassuseqaleraangamik meeqqerivimmi aallartinnissaminnut nalilerneqartarput.

Meeraaqqerivinnut 1. aprili 2019 utaqqsunut allattuivik

Illoqarfik	Meeqqat utaqqsunut allattuivimmiittut 1. aprili '19 amerlassusaat.	Meeqqat 2019-imi inunngortut utaqqsunut allattuivimmuq sulit allatsinngitsut amerlassusaat.	Meeqqat 1. aprili inissamik tunineqarnissamik piareersimasut amerlassusaat.	Meeqqat B-t* 2,9-nik ukioqalernikut ukiui naapertorlugit piareersimasut, meeqqerivimmulli piareersimangitsutut nalilerneqartut.	Meeqqat B-t meeraaqqerivimmiittut 2019-ip ingerlanerani nuuttussat sinnerirut-	Meeraaqqerivinni inissat maannakut inuttaqanngitsut
------------	--	---	---	---	--	---

					tut amer- lassusaat.	
Nuuk	60	61	34	33	77	7
Tasiilaq	43	6	23	3	6	0
Ittoqqortoormiit	5	3	4			
Paamiut	3	5	0			

*Meeqqat B-t tassaapput meeqqat meeraaqqerivinniittut ukiutik pissutigalugit meeqqerivimmuut nuuttussat.

Nuuk

Tabelimi apriliip aallaqqaataani 2019 maannakkut kisitsisit Meeqqanut Atuarfeqarnermullu Ingerlatsiviup pissarsiassaatai tunngavigineqarput. Taakku meeqqat meeraaqqerivinnut nuuttarnerat meeraaqqerivimmiikkunnaarnerallu malillugu ingerlaavartumik allanngorartarput. Taamaammat nalilersuineq ataaniittoq kisitsisinik apriliip aallaqqaataani 2019 pissarsiarineqarsinnaasunik siusinnerusukkullu qanoq isikkoqarnikuunerinik tunngaveqarpoq.

Nuummi siumut naatsorsuineq

Kisitsisit qulaaniittut kisiisa allaavigineqassappata, Nuummi meeqqat sisamat 2019-ip naanerani meeraaqqerivinni inissaqassanngillat.

Meeqqat Nuummi inunngortartut amerlassusaat ukiut arlallit ingerlaneranni allanngorarnikuunngilaq, qaammammut agguaqatigiissillugu 20-t missaat inunngortarput. Tamanna allaavigalugu apriliip, maajip, juunillu ingerlaneranni meeqqat 60-it inunngortut kingusinnerpaamik qaammammi decembarimi 2019 utaqqisut allattuiviannut allatsissinnaapput. Tamassuma saniatigut meeqqat arlallit Nuummut nuuttussat, inunngortunik naatsorsueqqissaarinermit ilanngunneqanngillat. Missingersuilluni nalilersuineq tunngavigalugu meeqqat qulit missaaniittut ukiumut Nuummut nuuttarput. Kisitsisit taakku tunngavigalugit nalilernerqarpoq meeqqat 74-it meeraaqqerivinni 2019-ip naanerani inissaqassanngillat. Kisitsisit qaffasinnerusinnaapput appasinnerusinnaallutillu, tassa siumut naatsorsuineq missingersuinermit tunngaveqarmat. Tamassuma saniatigut meeqqanik B-nit 77-iusunut qassit ukiup naanerani nuunneqartussatut ilimagineqartut ilanngunneqanngillat.

Siumut naatsorsuinerit ukiut siuliini utaqqisunut allattuivinnut sanilliukkaanni assigiipjaarput. Ukiuni kingullerni sisamani ukiut naaneranni meeqqat 74-it missaaniittut utaqqisunut allattuivimmiittarnikuupput.

Meeqqat utaqqisunut allattuivimmiittut saniatigut aamma ilinniartut utaqqisunut allattuivinnut nalunaarsorneqarneq ajortunik meeraqarput. Taakku ilinniartuunermut tunngaviit eqqortinneqaraangata inissamik ingerlaannaq tunineqartarput. Ilinniagaqartut amerlanersaat ilinniarfimmillutik maaniittarput.

Tasiilaq

Tasiilami inunngortartut ukiuni kingullerni amerleriarnikuupput. Tasiilami meeqqat 0-6 ukiullit maannakkut katillugit 220-upput. Meeqqat inunngortartut 2014-imiit 2018-imut 74 %-inik amerleriarnikuupput.

Ataatsimoortitsilluni ini Pingajeqqad pilersinneqarnerata kingorna meeqqat 2,5-iit ukiullit 13-it tassunga nuunneqarnikuupput. Taamatut aaqqiigallarnermut atatillugu aamma meeqqat 13-it meeraaqqerivimmuut utaqqisunut allattuivimmuut ilanngunneqarnikuupput.

Tasiilami siumut naatsorsuineq

Tasiilami qaammammut agguaqatigiisillugu meeqqat pingasut inunngortarput, taamaalillunilu meeqqat qulingiluut missaat apriliimi, maajimi juunimilu inunngortut kingusinnerpaamik decembarip qaammataani utaqqisunut allattuivimmuut allatsissinnaapput. Tasiilamut nuuttut tassanngaaniillu nuuttut killiffiat amerlaqatigiingajapput, taamaammallu meeqqat utaqqisunut allattuivimmiittussat ilimagineqartut ilanngunneqanngillat. Qulaaniittut tunngavigalugit missingersorneqarpoq meeqqat meeraaqqerivimmiittussat 39-t missaaniittut meeraaqqerivinni 2019-ip naanerani inissaqassanngitsut. Siumut naatsorsuineq nassuiaammut januaarip naanerani 2019 suliarineqartumut naapertuuppoq.

Apriliip aallaqqaataani 2019 meeqperivinnut utaqqisunut allattuivimmiittut

Illoqarfik/Nunaqarfik	Meeqqat apriliip aallaqqaataani utaqqisunut allattuivimmiittut amerlassusaat.	Meeqperivinni inissat maannakkut inuttaqanngitsut amerlassusaat.	Meeqqat AKO/SPO-mut suli nuunneqanngitsut amerlassusaat
Nuuk	7	69	34
Tasiilaq	0	18	5

Nuuk

Nuummi meeqperivinni inissat inuttaqanngitsut maannakkut (69-7 =62) 62-iupput. 1. klassissat 34-t kingusinnerpaamik 15. august AKO-mut nuunneqarpata inissat 96-it inuttaqassanngillat. Meeqqanut B-nit 103-usunut 33-t ukioqqortussutsimikkut meeqperivimmuut nuunnissamut piareeqqapput, nuunneqarnissamulli piareersimasutut suli nalilerneqaratik. Perorsaanerami sulisut naliliipput. Meeqqat B-t 33-t taakku qaammatip ataatsip marlulluunniit ingerlaneranni nuunneqarnissaat ilimagineqarsinnaavoq. Meeqqat B-t 77-it sinneruttut 2019-ip ingerlanerani nuunneqarnissamut ukioqqortussutsimikkut piareersimapput.

Tasiilaq

1. klassissat SPO-mut nuunneqarpata meeqqallu B-t tamarmik nuunneqareerpata meeqperivinni inissat katillugit 17-it inuttaarutissapput, tassa meeqqat arfinillit utaqqisunut allattuivimmiissapput.

Nunaqarfinni aaqjissuussinerni utaqqisunut allattuivik

Illoqarfik/Nunaqarfik	Meeqqat 1. aprili 2019 utaqqisunut allattuivimmiittut amerlassusaat	Inissat inuttaqanngitsut amerlassusaat	1, klassinngortussat amerlassusaat	Meeqqat b-nngortussat	Meeqqat 2019-imi 4/4-mi inunngortut	Meeqqat utaqqisunut allattuivimmi allatsissimannngitsut
-----------------------	---	--	------------------------------------	-----------------------	-------------------------------------	---

	saat					amerlassusaat
Angerlarsimaffimmi paarsisarneq QEQE 0-6 ukiullit	0	3	1		2	4
Angerlarsimaffimmi paarsisarneq Kapisillit 0-6 ukiullit	0	1	1		0	1
Angerlarsimaffimmi paarsisarneq Arsuk 0-6 ukiullit	0	4	1		0	1
Angerlarsimaffimmi paarsisarneq Kulusuk 0-6 ukiullit	4	0	7		0	10
Nunaqarfimmi neqeroorut Kuummiut 3-6 ukiullit	1	3	4		1	1
Nunaqarfimmit neqeroorut Isertoq 3-6 ukiullit	0	7	1		2	0
Nunaqarfimmi neqeroorut Tiilerilaaq 3-6 åukiullit	1	8	1		0	0
Nunaqarfimmi neqeroorut Sermiligaaq 3-6 ukiullit	2	0	2		0	3
Angerlarsimaffimmi paaqqinnittarneq Nuuk 0-6 ukiullit	3	2		1		

Aaqqiissutissat siunnersuut –suliatigut naliliineq

Nuuk

Soorlu qulaani allaaserineqartoq Nuummi ulluunerani paaqqinnittarfinni inissat amigaataaneri ajornartorsiutaasorujussuuvoq. Ajornartorsiut aaqqiivigisinnaajumallugu Meeqqanut Atuarfeqarnermullu Ingerlatsivik naliliivoq paaqqinnittarfinnik amerlanerusunik sanaartornissaq pisariaqartoq. Tamassuma pisariaqarnerata Meeqqanut Atuarfeqarnermullu Ingerlatsiviup isumaqarneranut pissutsit pingasuupput.

- 1) Paaqqinnittarfinni inissat maannakkut amerlatigitillugit pingaartumik meeraaqqerivinnut utaaqqisoqarpoq, inissanillu qulakkeerinninnissamat neqerooruteqartoqarsinnaanani.
- 2) Nuummut siunissami nuuttussat amerlassusaannik taamatut ilimasuuteqartoqartillugu meeqqat taamatut ukioqartut amerliartussagunarpud.
- 3) Maannakkut paaqqinnittarfiusunit arfinillit ukiut arlaqanngitsut ingerlaneranni isatertariaqalersussatut isigineqarput.

Nuummi paaqqinnittarfiit arfinillit isaterneqassasut matuneqassasullu pilersaarutaavoq, tamassumalu saniatigut paaqqinnittarfiit nutaat arfinillit sanaartorneqassasut pilersaarutaavoq.

Paaqqinnittoqarfitoqqanik isaterinermi nutaanillu sanaartornermi pilersaarusiortoqassaaq suliat taamaalillutik ingerlaqatigiissallutik. Tamassuma kinguneraa paaqqinnittarfimmik nutaamik sanasoqarpat tassunga peqatigitillugu paaqqinnittarfinit isateriaannarnit ataaseq marlulluunniit isaterneqassapput/matuneqassapput. Paaqqinnittarfik ataasiussanersoq marluussanersulluunniit paaqqinnittarfiup nutaap qanoq angitiginissaa apeqqutaavoq. Nutaamik sanaartornermi inissat pigineqartut taarsiinnarneqassanngillat, aammali meeqqanut utaqqisunut allattuivimmiittunut inissanngortinneqarsinnaasunik nutaanik pilersitsisoqassalluni.

Tamanna isumaqarpoq, paaqqinnittarfinnik nutaanik sanaartornissaq imatut pilersaarusiorneqassasoq paaqqinnittoqarfinnik nutaanik sanaartortoqartillugu paaqqinnittarfitoqqat atorunnaarsikkiartortinneqassallutik. Tamassuma aamma kingunerissavaa, Nuummi paaqqinnittarfinni inissat amerlassusaat tamarmiusut amerliartortinneqassasut.

Paaqqinnittarfiit arfinillit ataaniittut paaqqinnittarfinnik nutaanik sanaartorneq peqatigalugu isaterneqassapput matuneqarlutilluunniit.

Suunera:	Paaqqinnit-tarfik	Meeqqat amerlassu-saat
VUG	Amaat	35
VUG	Ajaaja	35
BHV	Ernutaq	35
BHV	Sisi	30
BHV	Najaaraq	45
INT	Ungaaq	72
	Katillugit	252

Siorarsiorfik – Nuuk City Development pilersaaruteqarpoq Nuummi paaqqinnittarfinnik nutaanik ukuningga ukiut arlaqanngitsut aggersut ingerlaneranni sanaartortoqassasoq:

Suunera:	Paaqqinnittarfik	Naammassinissaa ilimagineqarpoq	Init amerlassusaat	Meeqqat amerlassusaat
INT	Ulluunerani paaqqinnittarfik A	2022 aallartinnerani	8	120
INT	Ulluunerani paaqqinnittarfik B	Kvartalit siullianni 2021	6	88
INT	Ulluunerani paaqqinnittarfik C	Kvartalit pingajuanni 2021	6	88

INT	Ulluunerani paaqqinnittarfik D	Kvartalit siullianni 2022	6	88
INT	Ulluunerani paaqqinnittarfik E	Kvartalit pingajuanni 2022	6	88
INT	Ulluunerani paaqqinnittarfik F	Kvartalit siullianni 2023	6	88
	Katillugit			560

Paaqqinnittarfinni inissanik amigaateqarnermik ajornartorsiut aaqiiviginiarlugu inissanillu qulakkeerinnissinnaajumalluni periarfissaq alla tassaasinnaavoq paaqqinnittarfiugallartussanik utaqqiisaasumik illunik sanaartorneq. Aaqqiissumullu tassunga tunngatillugu, aaqqiissut taanna illunik piujuartunik sanaatornermut sanilliullugu akikinnerunaviarunangilaq.

Paaqqinnittarfiugallartunik sanaatornerup saniatigut pinnguartarfilinnik silamiiffiusinnaasunik pilersitsisoqassaaq, tamassumalu saniatigut illuugallartoq piujuartinneqaleriaannaapput.

Illuugallartuni meeqqanut suli atualingitsunut perorsaankkut inerikkiartuutaasunik ulluunerani neqeroorutit pillugit Inatsisartut inatsisissaanni nr. 16, 3. december 2012-meersumi § 12-mi inatsisitigut piumasaqaatit suli malinneqassapput

Nuummi inissanik qulakkeerinninnermut piffissaritinneqartoq

Meeqqanut Atuarfeqarnermullu Ingerlatsiviup ilimagaa Nuummi inissanik qulakkeerinninnissaq ukiut sisamat qaangiuppata neqeroorutigineqarlersinnaasoq. Qaqugu inissanik qulakkeerinnilernissap neqeroorutaalernissaanik nalilersuineq pissutsinik arlalinnik naatsorsuineramik tunngaveqarpoq:

- Meeqqat qaamatit arfinilinniit arfinilinnik ukiullit tikillugit amerlassusaannik naatsorsuineq (maannakkut siunissamilu).
- Inunngortut amerlassusaat (tassani ilimagineqarluni inoorlaat massakkutut amerlassuseqassasut)
- Illoqarfimmut nuuttut amerlassusaat (tassani ilimagineqarluni illoqarfimmut nuuttut massakkutut amerlassuseqassasut).
- Nuummi paaqqinnittarfinni inissat maannakkut amerlassusaat (kommunip namminersortullu paaqqinnittarfii).
- Paaqqinnittarfinnik pisoqqanik isaterinermut matusinermullu pilersaarut.
- Paaqqinnittarfinnik nutaanik sanaartornissamut pilersaarut.

Nalilersuineq missingersuinernik siumullu naatsorsuinernik arlalinnik nalorninartoqartunik imaqarpoq.

Tasiilaq

Tabelimi meeqqat 2014-imiit 2018-imut ukiumut inunngortartut amerlassusiisa allanngorarnarat takutinneqarpoq.

Illoqarfik	2014	2015	2016	2017	2018
------------	------	------	------	------	------

Tasiilaq	27	27	34	54	47
----------	----	----	----	----	----

Soorlu siusinnerusukkut allaaserineqartoq Tasiilami ukiuni kingullerni inunngortartut amerleriarnikuupput. Meeqqat amerlinerat paaqqinnittarfinni inissat amigaataalernerannik kinguneqarpoq, maannakkut ineriartornerlu ingerlaannassappat siunissami. Soorlu qupperneq 2-mi tabeli 1-imi takuneqarsinnaasoq, Tasiilami meeqqanut nukarlernut meeraaqqerivinniittussatut ukioqartunut inissat amigaatigineqarput. Taamaattumik meeqqanut nukarlernut inissanik amerlanernik pilersitsinissamik pisariaqartitsisoqarpoq.

Meeqqanut Atuarfeqarnermullu Ingerlatsiviup ilimagaa, Tasiilami angerlarsimaffimmi paaqqinnittarnermut akuersisarnermi inatsisitigut piumasaqaatit illuni arlalinni eqqortinneqanngitsut, tak. Meeqqanut sulii atualinngitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaanni nr. 16, 3. december 2012-meersumi § 12-imi. Taamaammatt Meeqqanut Atuarfeqarnermullu Ingerlatsivik inassuteqaateqarpoq ulluunerani paaqqinnittarfeqarfimmik pilersitsisoqassasoq, tassunga ulluunerani paaqqinnittartut ullaat tamaasa takkuttassallutik.

Meeqqanut Atuarfeqarnermullu Ingerlatsivik naliliivoq ulluunerani paaqqinnittarfinni angerlarsimaffimmi paaqqinnittarneq tallimanut-arfinilinnut taamaalillunilu meeqqanik 0-6 ukiulinnik 24-nik paaqqutarineqarnissaannut inissaqassasoq. Tamanna 2020-mi missingersuusiornermut isumaqatigiinniutigineqarnerannut siunnersuutaassaaq.

Ittoqqortoormiit

Ittoqqortoormiini meeqqat sisamat meeraaqqerivimmu/ angerlarsimaffimmi paaqqinnittartumut utaqqsunut allattuivimmiipput. Meeqqat meeqqerivimmiittut arfinillit atuarfimmu aasamut nuunneqarpata paaqqinnittarfinni meeqqanut nutaanut inissaqalissaaq. Ittoqqortoormiini meeqqat katillugit 38-t 0-6 ukioqarput.

Ittoqqortoormiini utaqqsunut allattuivimmiinnermut tunngatillugu siusinnerusukkut ajornartorsiuteqarnikuunngilaq, aammalu Meeqqanut Atuarfeqarnermullu Ingerlatsiviup ilimaginngilaa ulluunerani paaqqinnittarfinnut inissanut utaqqsuniittoqarnissaa siunissami ajornartorsiutaalerumaartoq. Siunissami pisariaqartitsisoqartoq paasinarsissapput Meeqqanut Atuarfeqarnermullu Ingerlatsivik naliliivoq angerlarsimaffimmi paaqqinnittartut ataatsimik ilasariaqassasut.

Paamiut

Paamiuni utaqqsunut allattuivimmiittoqanngilaq.

Nunaqarfiit

Nunaqarfinni angerlarsimaffimmi paaqqinnittartoqarpoq ulluuneranilu paaqqinnittarfeqarluni, tassani sulisut amerlassusaat pisariaqartitsineq malillugu Meeqqanut Atuarfeqarnermullu Ingerlatsiviup aaqqiivigisarpai.

Aningaasaqarnermik isumalluuteqarnermillu naliliineq

Ilisimatitsilluni suliamik saqqummiinnermi uani siunnersuutit 2020-mut missingersuutit isumaqatiginiutigineqarnissaannut MA-mut ingerlatsiviup inassuteqaataanut ilaassapput.

Inatsisitigut tunngavissaq allakkallu tunngaviusumik uppernarsaatitallit

Meeqqanut suli atualingitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq.

Ingerlariaqqinnissaq

Tasiilami ulluunerani paaqqinnittarfimmik pilersitsinissaq pillugu siunnersuut 2020-mut missingersuutini saqqummiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaatigiinneq

Nuummi Tasiilamilu paaqqinnittarfinni inissat amigaataaneri pillugit innuttaasunit ingerlaavartumik saaffiginnittoqartarpoq.

Ingerlatsivinniit allaniit oqaaseqaatigineqartut

Sanarfinermut Avatangiisinullu Ingerlatsivimmiik oqaaseqaatigineqarpoq ulluunerani paaqqinnittarfissat nutaat taavalu illut taarseneqartariaqartut qaqugukkut aallartisarneqassanersut ullulersorneri eqqortuusut.

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 7. maj 2019-meersoq:

Inassuteqaatit akuerineqarput

Aningaasaqarnermut Inuussutissarsiornermullu Ataatsimiititap 20. maaji 2019-imi aalajangiinera:

Inassuteqaatit akuerineqarput

Ilannangussat

Soqanngilaq

Punkt 03C: 17/18-imi ukiumi atuarfiusumi atuarfiit pitsaassusii pillugit nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Bilag 1. Skolernes-fælleskvalitetsrapport-KAL.docx

Bilag 2.. Kval rapport AHL-.docx

Bilag 3. Kval rapport - Arsuk - (2) - Kopi.docx

Bilag 4. Kval rapport ASK - Kopi.docx

Bilag 5. Kval rapport - Tuisaaq.docx

Bilag 6. Kval rapport Kang..docx

Bilag 7. Kval rapport Nuussuup.docx

Bilag 8. Kval rapport Tasiilami Alivarpi.docx

Bilag 9. kval rapport USK - Kopi.docx

Bilag 10. Kval rapport Isertoq (1) - Kopi.docx

Bilag 11. Kval rapport Kapisillit.docx

Bilag 12. Kval rapport Kulusuk.docx

Bilag 13. Kval rapport Kuumiut.docx

Bilag 14. Kval rapport - Qeqertarsutsiaat - (1).docx

Bilag 15. Kval rapport Sermiligaap Alivarpia.docx

Bilag 16 Kval rapport Tiilerilaaq.docx

Bilag 17. Kval Ittoqortoormiit.docx

17/18-imi ukiumi atuarfiusumi atuarfiit pitsaassusii pillugit nalunaarusiaq

Ilisimatitsissut

J.nr.: 51.00-G01-435-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Atuarfiit pitsaassuseq pillugu nalunaarusiaat kiisalu ingerlatsiviup atuarfiit pitsaassusii pillugit ataatsimut nalunaarusiaa Meeqqanut Atuarfeqarnermullu Ataatsimiititamut matumuuna saqqummiunneqarput. Atuarfiit pitsaassuseq pillugu nalunaarusiaat Atuarfik pillugu Inatsisartut inatsisaat nr. 15, 3. december 2012-imeersoq § 49 naapertorlugu suliaapput, atuarfiit ukioq atuarfiusoq kingulleq nalunaarusiarisartagaannik imaqarlutik Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkarneqarnerannik imaqartoq.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tassanilu ataatsimiititami suliaq tusaatissatut tiguneqarpoq, suliarlu Aningaasaqarnermut Inuussutissaqarnermullu Ataatsimiititamut Kommunalbestyrelsimullu ilisimatitsissutitut ingerlateqqinneqarluni.

Suliaq Aningaasaqarnermut Inuussutissarsiornermullu Ataatsimiititap 20. maaji 2019 suliarineqarpoq, tassani inassuteqaatigineqartoq Ataatsimiititami akuerineqarpoq oqaaseqaatitalerlugu: Kommunalbestyrelsip meeqqat atuarfiat pillugu immikkut sammisaqartinneqarnissaa kissaatigineqartoq, suliarlu ilisimatitsissutitut Kommunalbestyrelsimut ingerlateqqillugu.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut Kommunalbestyrelsimut tusaatissatut tiguneqassasoq

Suliassamik saqqummiussineq

Atuarfiit pitsaassuseq pillugu nalunaarusiaat Atuarfik pillugu Inatsisartut inatsisaat nr. 15, 3. december 2012-imeersoq § 49 naapertorlugu suliaapput, atuarfiit ukiumi atuarfiusumi kingullermi alloriarfinni misilitsernermi aamma inaarutaasumik misilitsinnermi angusat, iliuusissamik pilersaarutit il.il. nalunaarusiarisartagaannik imaqarlutik Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkarneqarnerannik imaqartoq.

Atuarfiit ilaat 17/18-imi ukiumi atuarfiusumi ingerlatsiviup quleqtsiussimasaata ilaannik suliniuteqarsimanermik taakkulu tunngavigalugit 18/19-imi ukiumi atuarfiusumi anguniagassalorsimanermik allaaserinnissimapput. Pitsaassuseq pillugu nalunaarusiaq aamma ukiup atuarfiusup siuliani anguniagaasimasunik nangingeqarsimasunut tunngasunik kiisalu ukiumi

atuarfiusumi anguniagaasunik imaqarpoq.

Tamatuma saniatigut alloriarfinni misilitsinnerit aamma inaarutaasumik misilitsinnermi karakterit atuarfinit qitiutinneqarput.

Atuarfiit pitsaassuseq pillugu nalunaarusiaanni aamma takuneqarsinnaavoq atuartut soraarummeertut ilinniagassamik inuussutissarsiuqarnissamilu toqqaasarnerat. Tassani takuniqarsinnaavoq kissitsisit atuartut sorarummeertut ilinniakkamik aallartingitsut 4 procentpointmik apparsimasut siornamut 2017-mut naleqqiullugit. Tassani ilisimatitsissutigissavarput atuartut soraarummeertut ilinniakkamik aallartingitsut akornanni aamma suliffillit taavalu oqaatsit pillugit angalasussat ilaammata. 2017-mi atuartut sorarummeertut ilinniakkamik aallartingitsut 38 % - put 2018-milu 34 %-ullutik.

Kommunip atuarfiini tamani ilinniartitsisut ilinniarsimangitsut ikileriarsimapput.

Ukiuni atuarfiusuni kingullerni sisamani allanngoriartorneq skiimap matuma kinguliini takuneqarsinnaavoq.

Ukioq atuarfiusoq:	Ilinniartitsisut ilinniarsimasut	Nukarlerni ilinniartitsisut	Timelærerit	Katillugit
2014/2015	84,94 % (299)	5,4 % (19)	9,7 % (34)	352
2015/2016	85,91 % (311)	5 % (18)	9,12 % (33)	362
2016/2017	88,92 % (305)	2,33 % (8)	8,75% (30)	343
2017/2018	91,39 % (329)	0,83 % (3)	7,5 % (27)	360

Aaqqiissutissatut siunnersuut – suliatigut naliliineq

Soqanngilaq

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Atuarfik pillugu Inatsisartut inatsisaat nr. 15, 3. december 2012-imeersoq § 49

Ingerlariaqqinnissaq

Soqanngilaq

Aningaasaqarnermut Allatseqarfimmit oqaaseqaatit

Aningaasaqarnermut Allattoqarfimmit oqaaseqartitsisoqarsimangilaq.

Innuttaasunik peqataatitsineq/attaveqaqatigiinneq

Innuttaasunik peqataatitsinertaqanngilaq

Ingerlatsivinniit allaniit oqaaseqaatigineqartut

Soqanngilaq

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 7. maj 2019-meersoq:

Inassuteqaatit akuerineqarput

Aningaasaqarnermut Inuussutissarsiornermullu Ataatsimiititap 20, maaji 2019-imi aalajangiinera:
Inassuteqaat imatut oqaaseqaatitalerlugu akuersissutigineqarpoq, imannak oqaaseqaatitalerlugu:
Atuarfik pillugu Kommunalbestyrelsip immikkut sammisaqartinneqarnissaa kissaatigineqartoq.

Ilanngussat

1. Ataatsimut pitsaassutsimik nalunaarusiaq qall./kal.
2. Pitsaassutsimik nalunaarusiaq AHL
3. Pitsaassutsimik nalunaarusiaq Arsuq
4. Pitsaassutsimik nalunaarusiaq ASK
5. Pitsaassutsimik nalunaarusiaq Tuiisaaq
6. Pitsaassutsimik nalunaarusiaq Kang
7. Pitsaassutsimik nalunaarusiaq Nuussuup
8. Pitsaassutsimik nalunaarusiaq Tasiilaaq
9. Pitsaassutsimik nalunaarusiaq USK
10. Pitsaassutsimik nalunaarusiaq Isertoq
11. Pitsaassutsimik nalunaarusiaq Kapisillit
12. Pitsaassutsimik nalunaarusiaq Kulusuk
13. Pitsaassutsimik nalunaarusiaq Kummiit
14. Pitsaassutsimik nalunaarusiaq Qeqartarsuatsiaat
15. Pitsaassutsimik nalunaarusiaq Sermiligaaq
16. Pitsaassutsimik nalunaarusiaq Tiilerilaaq
17. Pitsaassutsimik nalunaarusiaq Ittoqqortoormiit

Punkt 03D: Nakkutilliinermi nalunaarusiat

Beslutning

Ilisimatitsissut tusaatissatut tiguneqarpoq.

Bilag

Endelig tilsynsrapport Tupaarnaq marts 2019 selvstyre.pdf

Nakkutilliinermiit nalunaarusiat

Meeqqat angerlarsimaffiat Tupaarnaq

Ilisimatitsissut

J.nr.: 42-00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

Suliassamik eqikkaaneq

Kommunip Nuummi meeqqanut angerlarsimaffiutaa Tupaarnaq ukiup aallartinnerani nakkutilliartorfigineqarsimavoq Isumaginninnermut Inatsisinillu Atuutsitsinermut Naalackersuisoqarfimmiit. Nakkutilliinermik ingerlatsivimmiit nakkutilliartoreernerup kingorna piumasaaqatinik innersuussutinillu tunniussaartoqarpoq. Piumasaaqatigineqarpoq najugaqartut marluk iliuusissamik pilersaarutorfigineqarnissaat isumagineqassasut kiisalu Tupaarnami ammanerusumik angajoqqaat peqataatinneqarnissaannut sullissisoq akuutinneqassasoq piumasaaqatigineqarpoq, taamaalilluni ataasiakkaanut peqatigiinnissamik isumaqatigiissusiordermi peqataasalersinnaaqullugit. Taakku saniatigut najugaqartut tamarmik nammineq iniminni namminerlu siniffiminni sinittarnissaat sulissutigineqassasoq innersuussutigineqarluni. Nakkutilliisoqarnerani uparuaatit tiguneqartut meeqqat angerlarsimaffiani aqutsisunit ingerlatsivik isumasiorneratigut isumagineqassapput.

Suliaq Meeqqanut Ilaqutariinnullu maajip 9-ani 2019-imi ataatsimiinnerani oqaluuserineqarpoq, ataatsimiitillu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap maajip 20-anni 2019-imi ataatsimiinnerani oqaluuserineqarpoq ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut Kommunalbestyrelsimut tusaatissatut tiguneqassasoq

Suliassamik saqqummiussineq

Kommunip Nuummi meeqqanut angerlarsimaffiutaa Tupaarnaq ukiup aallartinnerani nakkutilliartorfigineqarnissamik Isumaginninnermut Inatsisinillu Atuutsitsinermut Naalackersuisoqarfimmiit ilimasaarneqarsimavoq.

Meeqqat Angerlarsimaffiat Tupaarnaq meeqqanik inuusuttunillu nalinginnaasumik silassorissusilinnik inuuniarnikkulli ajornartorsiorunik arfinilinniit 18-inut ukiulinnik tiguisarpoq, sivitsuinissarlu periarfissaatinneqartarpoq. Tupaarnaq Meeqqanut immikkoortortaa meeqqanut arfiniliit 12-inut ukiulinnut arfinilinnut inissaqarpoq, Inuusuttunullu immikkoortortaa inuusuttunut 12-iniit 18-inut ukiulinnut pingasunut inissaqarluni.

Meeqqat Angerlarsimaffiat 18-ileereersimasunik tigungmiaqarsinnaavoq, tassa meeqqap sungiusimasaminiiginnarnissaa meeqqamut pitsaanerpaajusoq qulaajaanermi nakkutilliinermilu paasinarsisimatillugu. Meeqqamik inissiineq piffissami sivikitsumi imaluunniit sivisunerusumi pisinnaavoq.

Isumaginninnermut Inatsisinillu Atuutsitsinermut Naalackersuisoqarfimmit (tamatum kingorna nakkutilliinermik ingerlatsivik) siumut nalunaaruteqareernikkut nakkutilliartortoqarpoq. Nalinginnaasumik nakkutilliartorneruvoq immikkut isiginiagaqarfiunngitsoq Nakkutilliinermik

ingerlatsivimmiit naliliineq nakkutilliiartorneq sioqqullugu, nakkutilliiartornermi kingornalu paasissutissaatinit assigiinngitsunit tunngaveqarpoq.

Nakkutilliiinermi uku pineqarput:

- Immikkoortortami aqutsisup forständerillu ilisarititsinertalimmik ataatsimeeqatigineqarnerat.
- Sulisut pingasut apersorneqarneri/oqaloqatigineqarneri.
- Najugaqartut marluk oqaloqatigineqarneri.
- Illuutiniq misissuillunilu takornariarnej
- Paarlaannermi/ullaakkut ataatsimiinnermi najuunnej
- Inaarutaasumik ataatsimiinnernej, angerlarsimaffiullu pisortaa peqatigalugu eqikkaaneq

Aaqqiissutissatut siunnersuut – suliatiqut naliliineq

Nakkutilliiisoqarnerani pingaarnertut inerniuliunneqarpoq, Tupaarnaq tassaasoq paaqqinniffik kulturimut tunngasunik toqqammavilik. Meeqqat angerlarsimaffiat arfinilinnik perorsaasunik sulisoqarpoq, sullinneqartunillu misilittagaqarluartunik arlalinnik sulisoqarluni. Aalajaatsunik piumasuseqartunillu sulisoqarnera malunnarpoq, aamma akunnerminni najugaqartunullu annertuumik ataqqinninneq atuulluni.

Nakkutilliiinermik ingerlatsivimmiit nakkutilliiartoreernerup kingorna piunasaqaatinik innersuussutinillu tunniussaqaartoqarpoq, taakkulu iliuusissamik pilersaaruserfigineqassapput. Piunasaqaatit innersuussutinillu ukuupput:

- Najugaqartut marluk iliuusissamik pilersaaruserfigineqarsimanngimmata isumagineqassasut piunasaqaatigineqarpoq
- Tupaarnami ammanerusumik angajoqqaat peqataatinneqarnissaannut sullissisoq akuutinneqassasut piunasaqaatigineqarpoq, taamaalilluni ataasiakkaanut peqatigiinnissamik isumaqatigiissuseriornermi peqataasalersinnaaqqullugit.
- Najugaqartut tamarmik nammineq iniminna namminerlu siniffimminni sinittarnissaat sulissutigineqassasut innersuussutigineqarpoq.

Tamatuma sanitigut Nakkutilliiinermik ingerlatsiviup nakkutilliiartornera allatigut oqaaseqaatissarsiffigineqanngilaq.

Aningaasatigut sulisoqarnikkullu naliliinerit

Nakkutilliiinermi nalunaarusiami erseqqissarneqarpoq, meeqqat angerlarsimaffiani Tupaarnami meeqqanut pitsaanerpaamik atugassaqaartitsinissamut sulisut pisariaqartinneqartut pisariaqartunillu piginnaasaqartut pigineqartut.

Inatsisitigut tunngavissaq allakkallu tunngaviusumik uppersaasatitallit

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 19, 24. novembari 2017-imeersoq.

Meeqqat tapersorneqarnissaannut Inatsisartut inatsisaat nr 20, 26 juni 2017-imeersoq §§9-11

Ingerlariaqqinnissaq

Nakkutilliiisoqarnerani uparuaatit ikittunnguit tiguneqartut meeqqat angerlarsimaffiani aqutsisunit ingerlatsivik isumasiorneratigut isumagineqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatitsisoqarsimanngilaq.

Siornatigut aalajangerneq

Meeqqanut Ilaqutariinnullu Ataatsimiititap aalajangernera 09. Maajii 2019-meersoq:

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititap ulloq 20, maajii 2019 aalajangiinera:

Ilisimatitsissut tusaatissatut tiguneqarpoq.

Ilanngussaq

1. Nakkutilliinermut nalunaarusiat Isumaginninnermut Inatsisinillu Atuutsitsinnermut Naalakkersuisoqarfimmeersut

Punkt 03E: Inatsisartut Ombudsmandianit nakkutilliinermi nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Bilag 1.pdf

Inatsisartut Ombudsmandianit nakkutilliinermi nalunaarussiaq

Meeqqat angerlarsimaffiat Tupaarnaq

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

Suliassamik eqikkaaneq

Meeqqat angerlarsimaffiat Tupaarnaq Inatsisartut Ombudsmandianit ilimasaaruteqareernikkut nakkutilliivigineqarpoq. Nakkutilliinerup kingorna oqaaseqaatissaqanngilaq, taamaallaat pissaanermik atuineq pillugu inatsimmik sulisut tigusinerminnut uppernarsaasarnissaat taavalu najugaqartut angajoqqaatullu oqartussaassuseqartut naammagittaalliornissamut periarfissaqarnerat pillugu ilisimatinneqarnissaat qulakkeerneqartassasoq annikitsumik peqqusissutit pineqarput, Pissaanermik atuineq pillugu inatsimmi § 27 immikkoortoq II innersuussutigalugu. Peqqusissutit Meeqqat angerlarsimaffiani aqutsisunit tusaatissatut tiguneqarput.

Suliaq Meeqqanut Ilaqutariinnullu Ataatsimiititap maajip 9-ani 2019-imi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititaput kiisalu Kommunalbestyrelsimut ilisimatitsissutit ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap maajip 20-anni 2019-imi ataatsimiinnerani oqaluuserineqarpoq ataatsimiititamillu akuerineqarluni, suliarlu ilisimatitsissutit Kommunalbestyrelsimut ingerlateqqinneqarpoq.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut Kommunalbestyrelsimut tusaatissatut tiguneqassasoq

Suliassamik saqqummiussineq

Nuummi kommunip Meeqqanut angerlarsimaffiutaa Tupaarnaq ukiup aallartinnerani Inatsisartunut Ombudsmandimit ilimasaaruteqarnikkut nakkutigisaavoq.

Meeqqat Angerlarsimaffiat Tupaarnaq meeqqanik inuusuttunillu nalinginnaasumik silassorissusilinnik inuuniarnikkulli ajornartorsiortunik arfinilinniit 18-inut ukiulinnik tiguisarpoq, sivitsuinissarlu periarfissaatinneqartarpoq. Tupaarnaq Meeqqanut immikkoortortaa meeqqanut arfiniliit 12-inut ukiulinnut arfinilinnut inissaqarpoq, Inuusuttunullu immikkoortortaa inuusuttunut 12-iniit 18-inut ukiulinnut pingasunut inissaqarluni.

Meeqqat Angerlarsimaffiat 18-ileereersimasunik tigungmiaqarsinnaavoq, tassa meeqqap sungiusimasaminiiginnarnissaa meeqqamut pitsaanerpaausoq qulaajaanermi nakkutilliinermilu paasinarsimatillugu. Meeqqamik inissiineq piffissami sivikitsumi imaluunniit sivisunerusumi pisinnaavoq.

Ombudsmandip nakkutilliartornissaa pitinnagu oqarasuaatikkut aamma allakkatigut ilimasaarutigineqarpoq. Aammattaaq nakkutilliartorneq pitinnagu angerlarsimaffik najugaqartullu pillugit allakkatigut atugassat Ombudsmandimut tunniunneqarput. Nakkutilliinerup nalaani nakkutilliartortut pisortaasoq immikkoortortaqarfimmilu aqutsisut marluk kiisalu sulisut tallimat najugaqartullu sisamat oqaloqatigineqarput. Nakkutilliartortutaaq angerlarsimaffiup initai alakkarterpaat.

Aaqqiissutissatut siunnersuut – suliatigut naliliineq

Meeqqat angerlarsimaffiat Ombudsmandimit pitsaasutut isigineqarpoq najugaqartullu toqqissisimanartumik angerlarsimaffippalaartumik avatangiiseqarnissaat Tupaarnami aqutsisunit pingaartinneqartoq naliliiffigineqarlutik, taavalu najugaqartut eqqarsaatigalugit pissaaneq atorlugu

iliuuseqartarneq sapinngisamik killilimmik iliuuseqartarlutik. Sulisut isumassuilluartuupput, peqqissaarussilluartuupput tunniusimalluinnartuullutillu. Init eqqiluutsuupput, kusanarlutik nuannerlutillu.

Ombudsmandip nakkutilliiartornerata kingorna oqaaseqaatissaqanngilaq, taamaallaat pissaanermik atuineq pillugu inatsimmik sulisut tigusinerminnut uppersaasarnissaat taavalu najugaqartut angajoqqaatullu oqartussaassuseqartut naammagittaalliornissamut periarfissaqarnerat pillugu ilisimatinneqarnissaat qulakkeerneqartassasoq annikitsumik peqqusissutit pineqarput, naleqqiuguk Pissaanermik atuineq pillugu inatsimmi § 27 immikkoortoq II.

Aningaasatigut sulisoqarnikkullu naliliinerit

Nakkutilliinermut nalunaarusiat marluusut naapertorlugit meeqqat angerlarsimaffianni Tupaarnami pisariaqartitaminnik sulisoqarpoq, eqqortunik piginnaasalinnik taavalu meeqqat pitsaanerpaanik atugassinniarlugit eqqortunik pikkoriffeqartunik.

Inatsisitigut tunngavissaq allakkallu tunngaviusumik uppersaasatitallit

Meeqqat tapersorneqarnissaannut Inatsisartut inatsisaat nr 20, 26 juni 2017-imeersoq §§9-11 Inatsisartut ombudsmandiat pillugu Inatsisartut inatsisaat nr. 7, 1. juni 2017-meersoq

Ingerlariaqqinnissaq

Peqqusissutit Meeqqat angerlarsimaffianni Tupaarnami aqutsisunit tusaatissatut tiguneqareerput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimangilaq.

Siornatigut aalajangerneq

Meeqqanut Ilaqutariinnullu Ataatsimiititap aalajangernera 09. Maajii 2019-meersoq:

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititap 20, maajii 2019-imi aalajangiinera:

Inassut akuerineqarpoq

Ilanngusaaq

1. Inatsisartut Ombudsmandianit nakkutilliinermut nalunaarusiaq

Punkt 03F: Kommunimut pilersaarummut tapiliussassatut siunnersuut 1C38 Qullilerfik, Nuuk

Beslutning

Ilisimatitsissut tusaatissatut tiguneqarpoq.

Bilag

Kommunimut pilersaarummut tapiliussassatut siunnersuut 1C38 Qullilerfik Nuuk.pdf

Kommunimut pilersaarummut tapiliussassatut siunnersuut 1C38 Qullilerfik, Nuuk

Aalajangiiffigisassaq

J.nr.: 16.03.01.01-P16-16-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuutip 1C38 Qullilerfiup siunertaraa immikkoortup ilaa nutaaq pilersinneqassasoq taannalu ataatsimoorussamik atorineqassasoq, matumani inissiat, pisiniarfiit, inuussutissarsiortut, suliffeqarfiit il. il.. Siunnersuuteqarnikkut sanaartorfissat nutaat pilersinneqassapput, taamaattoqarneratigullu quleriit tallimat tungaannut portutigisunik inissianik pioreersunik eqikkaanissaq periarfissaalerluni. Tamatumunnga peqatigitillugu sanaartukkat nutaat sumiiffiup avatangiisaanut naleqqussagaassasut kommunimut pilersaarummut tapiliussami qulakkeerneqassapput taavalu immikkoortup siunissami ineriartortinnissaanut immikkoortumi pisuffiit sanaartorfiunngitsullu taamaatiinnarneqarnissaat qulakkeerneqassallutik.

Suliaq Sanarfinermut Avatangiisinullu Ataatsimiititap 07. maaji 2019-imi ataatsimiinnerani oqaluuserineqarpoq, ataatsimiititallu inassuteqaatit akuersissutigai suliarlu Aningaasaqarnermut Inuussutissarsiornermullu Ataatsimiititap inaarutaasumik akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap maajip 20-anni 2019-imi ataatsimiinnerani oqaluuserineqarpoq ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut Kommunalbestyrelsimut tusaatissatut tiguneqassasoq

Suliassamik saqqummiussineq

Nuup alliarthonera ilutigalugu inissiaqarfiit eqiternissaanut pisariaqartitsineq annertusiartorpoq, kiisalu sukisaarsarfiit aqquataa illoqarfiullu immikkoortuini illoqannginnersat illoqarfiup innuttaanut tikeraavinullu nuannaarutaasussamik qulakkeerneqarnissaat pitsanngorsarnissaallu pisariaqarluni. Kommunimi Illuliortaatsimut politikki aamma kommunimut pilersaarut Sermersooq 2028 atuuttoq naapertorlugit immikkoortup ilaa nutaaq 1C38 Nuup qeqqani qitiusoqarfimmik pilersitsisoqarnissaa siunnersuutigineqarpoq.

Immikkoortup ilaani siunnersuut malillugu inissianik, inuussutissarsiutinik aamma pisortat suliffeqarfiinik sanaartorfissani nutaani tallimaasuni quleriisusut tallimat tungaannut portussusilinnik Samuel Kleinschmidt Aqquataa tungaanoortuni pilersitsisoqarsinnaavoq. Init quleriit allersaat portusuumiimmat aqquuserngup portoqataata nalaani inuussutissarsiutinut assigiinngitsunut qulaani inissiertalimmik pilersitsiortornissamut periarfissaqarpoq. Siunnersuut malillugu sanaartukkat

ilusaat pioreersut attanneqassapput illullu isua aqquserngup tungaanut sammissalluni. Taamaalillutik sungiusimasat ataavartumik attanneqassapput immikkoortorlu piffissap ingerlanerani ineriartortinneqarluni.

Ukioq 2011-mit "Imaneq pillugu ilusilersuinermi najoqqutassaq" aallaavigalugu illoqannginnersat Katersortarfiup aammalu Samuel Kleinschmidt akornanni qullersuit siunissami siunnersuuteqarnikkut qulakkeerneqarput. Qullilerfiup qaqqajunnartaa tamaat inuillu tamarmik aqquserngat sukisaasarfik sanaartorfiunngitsutut qulakkeerneqassaaq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup naliliinera malillugu Nuup pilerinartutut assigiinngisitaartutullu ineriartornissaa siunnersuuteqarnikkut ikorfartorneqarpoq, ilaatigullu tamanna Kommuneqarfik Sermersuup Illuliortaatsimut politikiani allaaserineqarpoq. Piffissap ingerlanerani nikerartumik ineriartortitsinissaq periarfissaatillugu siunnersuut patajaatsuusooq nalilerneqarpoq, ilaatigullu illut ataasiakkaat immikkoortup siunissami qitiusoqarfittut inissisimanissaa siunertaralugu sanaartorneqarsinnaallutik. Sanaartortitsisunut ataasiakkaanut sanaartorfissat eqaangaatsiartumik aaqqitaapput peqatigisaanillu sanaartortitsisumut najoqqutassat assigiissarneqarnissaat kiisalu illut akornanni angallaneq qulakkiigaallutik.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immi aningaasatigut kingunerisassaqaqngilaq.

Inatsisitigut tunngavissaq allakkallu tunngaviusumik uppermarsaatitalit

Pilersaarusiorneq aamma nunaminertat atorineqartarnerat pillugit Inatsisartut inatsisissat nr. 17, 17. november 2010-imeersoq & Inatsisartut inatsisissat nr. 34, 9. december 2015-imeersoq Kommunimut pilersaarut digitaliusooq www.sermersooq2028.gl

Ingerlariaqqinnissaq

Pilersaarutissatut siunnersuut sapaatit-akunnerini arfineq-pingasuni piffissami 29.5.2019 – 24.7.2019 akornanni tamanut tusarniaassutigineqarnissaa naatsorsuutigineqarpoq.

Tusarniaassuteqarnerup piffissaliunneqarnera qaangiuppat akerliliissutit takkuttut ingerlatsivimmiit nalilersorneqarneri ingerlariaqqinnissamullu inassuteqaatit ilanngullugit Sanarfinermut Avatangiisinullu Ataatsimiititamut, Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut inaarutaasumik akuersissutigisassanngorlugu ingerlateqqinneqassaaq.

Pilersaarut inaarutaasooq kommunip nittartagaani sermersooq.gl-imi aamma kommunimut pilersaarutip nittartagaani www.sermersooq2028.gl-imi tamanut takusassiarineqassaaq

Aningaasaqarnermut Allatseqarfimmit oqaaseqaatit

Soqaqngilaq

Innuttaasunik peqataatitsineq/attaveqaqatigiinneq

Siunnersuutip suliarineqarneranut atatillugu immikkoortumi illunik piginnittut nunaminertanillu piginnittut ataatsimut marlunnik ataatsimiisitsisoqarpoq. Immikkoortumi periarfissat nutaat pillugit siunertarineqartut ilaatigut peqataasunut saqqummiunneqarput. Ataatsimiinneq siulleq pivoq 11.12.2018 tassanilu 15-it missaanni peqataapput, ataatsimiinnerullu aappaa pivoq 7.3.2019 tassanilu sisamat takkullutik. Immikkoortup ineriartortinneqarnissaa pillugu ataatsimut ataatsimiisitsinermi apeqqutit akissuteqarfigineqarnissaannut periarfissiivoq. Suliap ingerlanneqarnerani ammasumik ingerlanneqarnera peqataasunit tamanit pitsaasumik qisuariarfigineqarpoq.

Kommunimut pilersaarummut tapiliussassatut siunnersuut sapaatit-akunnerini arfineq-pingasuni tamanut tusarniaassutigineqassaaq, tamannalu najukkami kiisalu kommunip tusarniaanermut nittartagaatigut nalunaarutigineqassaaq.

Ingerlatsivinniit allaniit oqaaseqaatigineqartut

Soqanngilaq

Siusinnerusukkut aalajangerneq

Sanarfinermut Avatangiisinullu Ataatsimiititap 07. maajii 2019-imi aalajangernera:

Inassut akuerineqarpoq

Aningaasaqarnermut Inuusutissarsiornermullu Ataatsimiititap 20, maaji 2019-imi aalajangiinera:

Inassut akuerineqarpoq

Ilanngussaq

1. Kommunimut pilersaarummut tapiliussassatut siunnersuut 1C38 Qullilerfik, Nuuk

Punkt 4: Aalajangiiffigisassat

Punkt 04A: Meeqqanut aalisakkanik sapigalinnut meeqqerivimmik allanngortitsineq

Beslutning

Inassuteqaat akuerineqarpoq.

Meeqqanut aalisakkanik sapigalinnut meeqqerivimmik allanngortitsineq

Aalajangiiffigisassaq

J.nr.: 28.00.00-G01-29-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqperivimmik nerisassiornikkut aalisakkanik nerisassiortoqarfiunngitsumik pilersitsinissaq Meeqqanut Atuarfeqarnermullu Ingerlatsivimmit siunnersuutigineqarpoq.

Tamanna meeqqat arlallit aalisakkanik sapigaqarnerannik peqquteqarpoq, aamma ataatsimik meeraqarpoq aalisakkat nerisassiaralugit sularineqarnerini proteinii timaata qisuariarfigisagaanik. Timaata qisuariartarnera silaannarissaanikkut iluarsineq ajorpoq. Aamma immikkut ittuni ima pisoqarsinnaasarpog, meeqqat allat ippassaammat angerlarsimaffimminni aalisagartorsimappata aqaguani meeqqap taassuma qisuariarfigissavaa.

Meeraq aalisakkat proteiniinik pinaveersaartinniarlugu meeqqerivimmik aalisagartorfiunngitsumik pilersitsisoqarnissaa Meeqqanut Atuarfeqarnermullu Ingerlatsiviup siunnersuutigaa.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tassanilu ataatsimiititami siunnersuut akuerineqarpoq, sularlu inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartoq ataatsimiititami akuersissutigineqarpoq sularlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Suliffeqarfimmik allannguneq Kommunalbestyrelsimut inaarutaasumik akuersissutigineqassasoq.

Suliassamik saqqummiussineq

Meeqperivimmik aalisagartorfiunngitsumik pilersitsisoqarnissaa kissaatigineqarpoq pissutigalugu aalisakkanik allaanerusumik sapigaqartut paarilluarneqarnissaat anguneqarusukkami. Matumani meeqqat sapigaqaraluartulluunniit ukioqatigisamisulli assigiimmik neqeroorfigineqarnissaat peqqutaavoq. Meeqperiviliartarnikkut ukioqatigisat peqatigalugit ineriartornissaq periarfissaavoq, taamaaliornikkut meeqqat inooqatigiinnertik suliaqartarnertillu siuariartuutigissavaat.

Aalisakkat pinngitsuinnissaat ajornakusoorsinnaavoq, tassami sulisut imaluunniit meeqqat allat ulloq sioqqullugu aalisagartornissaat inerteqqutigineqarsinnaannginnami. Aamma angajoqqaat aalisakkanik passussisimasut meeqqerivimmut meeqqaminnik aallernissaat inerteqqutigineqarsinnaanngilaq.

Aalisakkanik sapigaqartut qaqutigoortorujussuupput.

Aalisakkanik sapigarineqartut sananeqaatit proteinit uunartumut patajaatsuupput kissanneqarnerinilu qaqutigut ajortinneqarsinnaallutik. Ilaanni aalisakkat qalaartinneranit aalai imaluunniit atisamut pisimasut peqquataallutik aalisakkanik sapigalinnut malunniuteqarsinnaasarput. Meeqqanut Atuarfeqarnermullu Ingerlatsivimmit nunap immikkoortuani nakorsaq attavigineqarpoq taassumalu oqaatigaa uppersarlugu aalisakkat proteinii sakkortuumik sapigalinnut timikkut qisuariarfigineqartartut, aamma Nuummi inoqartoq sapigaqarneri sakkortungaaramik aalisakkat proteinii atisamiittut timimikkut qisuariarfigisarlugit.

Aningaasatigut sulisoqarnikkullu naliliinerit

Pitsaanngitsumik kingunerisassaqaqanngilaq, taamaattoq ima kinguneqarsinnaavoq inuit taamatut sapigaqartut ataavartumik tapersersornissaat pinngitsoorneqarsinnaasassasoq.

Inatsisitigut tunngavissaq allakkallu tunngaviusumik uppersaaitallit

Soqanngilaq.

Ingerlariaqqinnissaq

Meeqqanut Atuarfeqarnermullu Ingerlatsiviup inassuteqaatigaa meeqqeriveerannguaq Meeqqat aalisagartorfiujunnaasassasoq.

Aningaasaqarnermut Allatseqarfimmit oqaaseqaatit

Tusarniarneqanngillat.

Innuttaasunik peqataatitsineq/attaveqaqatigiinneq

Aalisakkanik sapigalinnut meeqqerivimmik pilersitsinissaq pillugu Meeqqanut Atuarfeqarnermullu Ataatsimiititap akuersissuteqareerneratigut atuisunik ataatsimiititsinikkut eqqartueqatigiittoqassaaq.

Innuttaasunik peqataatitsineq/attaveqaqatigiinneq

Soqanngilaq.

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 07. maj 2019-meersoq:

Inassut akuerineqarpoq

Aningaasaqarnermut Inuusutissarsiornermullu Ataatsimiititap 20. maaji 2019-imi aalajangiinera:

Inassut akuerineqarpoq

Ilanngussat

Soqanngilaq

Punkt 04B: Kommuneqarfik Sermersuumut IT pillugu periusissiaq

Beslutning

Inassuteqaat akuerineqarpoq.

Bilag

IT-strategi-Kommuneqarfik-Sermersooq-2019-2021_25463 kal.docx.pdf

Kommuneqarfik Sermersuumut IT pillugu periusissiaq

IT pillugu ataatsimut tunaartaq

Ilisimatitsissut

J. nr.: 10.12.07

Suliffeqarfimmi Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersooq sorpassuartigut pitsaanerunissamik eqinnaannissamillu siuttoorusuppoq. Nutaaliorneq, ineriartortitsineq allannguerusussuseqarnerlu pisariaqarput. Digitaliseeriinissaq pisariaqarpoq. Kommunimi immikkoortoq patajaatsoq ingerlalluarterlu innuttaasunit taamatut misigineqassappat tamakku pisariaqarput. Ullumikkut inuiaqatigiit tamakkiinerusumik ingerlasinnaapput IT-mik atortut tunngaviunerusut atorlugit immikkoortut pinngitsoorsinnaanngilluinnakkat soorlu atuarfeqarfik, innuttaasunik sullissivik pigaartoqarnerlu tapersorsorluarneqarpata.

Kommunimi ataqatigiisumik pilersitsisoqassappat IT ingerlalluartertoq ullumikkut pingaarnertut inissisimavoq. Matumani inuit kommunimi ulluinnarni sulisuusut eqqarsaatigalugit, aammali suliffeqarfiit namminersortullu kommune tamakkerlugu pitsaassuseqarluinnartumik kiffartuunneqarnissamik ingerlatsivinnit neqeroorfigineqarsinnaasut eqqarsaatigalugit. Taamaattumik kommunimi ingerlatsiviit assigiinngitsut tamakkerlugit IT-p pissusissamisut pitsaasumillu ingerlanissaanut Kommuneqarfik Sermersooq angisuumik akisussaaffeqarpoq. Aammattaaq kommunimi IT-mut tunaartarisaq peqqissaarullugu ingerlanneqassaaq. Tamanna aamma kommunimi IT-mi siunissami suliniutigiumaakkanut atuutsinneqarpoq, Kommuneqarfik Sermersuumi suliniutit digitaliusut pillugit assigiinnerusumik periuseqarneq eqqarsaatigalugu.

Suliaq Aningaasaqarnermut Inuussutissarsionermullu Ataatsimiititap 20. maaji 2019-imi ataatsimiinnerani oqaluuserineqarpoq, inassuteqaatigineqartoq ataatsimiititami akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- IT-qarneq pillugu iliuusissaq Kommunalbestyrelsimut inaarutaasumik akuersissutigineqassasoq.

Suliassamik saqqummiussineq

Aaqqissuussaannerit suliallu ingerlanneqarnerisa killeqarfii tamakkerlugit ataqatigiisumik aaqqissuulluagaqarnikkut IT-qarneq aqqutigalugu suliffiup avataani innuttaasunik sullissineq takorluugaqarluartutut inerisarneqarnissaanut kiisalu suliffiup iluani suleriaatsit ataqatigiilluartut anguneqarnissaannut toqqammaviliisoqassaaq. IT-qarnerup pilersaarusioneranut kommunip isumai ersarinnerullutillu annertunerujussuusussaapput, tassani Kommuneqarfik Sermersuumi suliffiup iluani sulisut aamma innuttaasut suliffeqarfiillu eqqarsaatigalugit automatiskiunerusumik nalinginnaasuunerusumillu sammisaqarnissaq tamakkiinerusooq teknologiikkut periarfissat atorluarneqarnerussallutik. Suliniutit tapersorsuisuusut aalajangiiffigalugit pissarsiarisallu piviusunngortinneri uuttortarlugit – taamaaliortoqarneratigut atortorissaarutit akornanni ataqatigiinnerusumik tamakkiisumillu suleqatigiinnissaq anguneqassasoq qulakkeerneqarsinnaalluni.

Suleriaatsit suliffiullu iluani sulianik ingerlatsisarnerit Kommuneqarfik Sermersuumit pitsanngorsarneqarusupput. Ingerlatsivinni sullissinerit ilaatigut IT-mut tunngatillugu iluarsiissuteqarnikkut sulisut allanik suliaqartinneratigut kommune tamakkerlugu

pitsaanerulersinneqalissapput. Matumani kommune ammasuusoq digitaliseerigaasorlu pitsaassuseqarluartumik kiffartuussisoq sulisunit, innuttaasunit soqutigisaqaqatigiinnit misigineqarnissaa siunertaavoq. IT-mi suliniutit aningaasaliissutit missingersuutillu aalajangersakkat qaangernagit atortulersorneqassapput aqunneqarlutillu, taamaalillutik aningaasatigut killiliussat sipporneqassanngillat.

Kommunaldirektøri peqatigalugu IT pillugu periusissaliornissamut isumannaallisaanermullu suleqatigiissitaliortoqarpoq, tassaniippullu pisortaqtigiiit taavalu Kiffartuussigasuartarfimmi pisortaq. IT pillugu periusissiaq suleqatigiissitamit pingaarnertut akisussaaffigineqarpoq taamaalillutillu IT-mi suliniutiniittuta ataatsimut ikorfartuisuusut tamaasa, matumani suliniutit – tulleriissakkat aamma – suliniutini ataasiakkaani aningaasaqarnermut aaqqissuussaananermullu attuumassuteqartut ilanngullugit.

IT-qarnerup qitiusumit aqunneqarnerulernissaa pissasoq Aningaasaqarnermut Inuussutissarsiornermullu Ataatsimiititap kissaatigaa. Periusissiaq una pineqartoq 2019-imiit 2021-mut ingerlanneqartussat piffissalerneqartoq aallaqqaammut suliniutissatut pilersaarutinik sisamanik imaqartinneqarpoq:

- IT-qarneq sulisunik pitsaanerulersitsisoq
- Atortuuteqarfimmi ataqtigiiinnerunissaq
- IT-mut suliniutinik aqutsineq naleqartitanik pilersitsinertalik
- Kommuneqarfik Sermersuumi IT-mik aqutsineq

Suliniuteqarfignissatut saqqummiunneqartut suliarineqarnissai aallartinneqareerput.

IT pillugu periusissiaq tassaniilu piumasaqaataasut suliffiup iluani attaveqaqatigiinnermut immikkoortortamit malinnaavigineqassapput ersarissarneqarlutillu, matumani suliniutit aallarnisarnissaat PITINNAGU akuerineqarnissaannut piumasaqarneq aamma periusissiamut ilanngussaq 1-ip atorneqarnra ilanngullugit – IT pillugu paasissutissiinermi immersuiffik suliarineqassaaq IT-mullu suliniutit akuerineqarnissaannut tunngaviliissalluni. Taamaalilluni suliniutip aallartisinnginnarani IT-mut suliniutit ataasiakkaat akuerineqaaqqaartussat aningaasaqarneri ersarinnerulissapput.

Aaqqiissutissatut siunnersuut – suliatigut naliliineq

IT pillugu periusissaliornissamut isumannaallisaanermullu suleqatigiissitap atorluarnertigut IT-mut suliniutinut IT-mullu ingerlatsineq nalinginnaasumut aningaasanik sulisunillu aqutsineq aaqqissuussatigut sammineqassaaq.

Aningaasatigut sulisoqarnikkullu naliliinerit

Qitiusumit akuersisarneq suliniutillu pingaarnersiorneri ingerlanneqalerpata, IT-qarfimmi aningaasanik aqutsineq pitsaasumik sunniuteqarfigneqarnissaa naatsorsuutigineqarpoq.

Inatsisitigut tunngavissaq allakkallu tunngaviusumik uppernarsaatitallit

Inatsisit, malittarisassat nalinginnaasut politikkillu, soorlu IT-mi isumannaallisaanermut politikki aamma Nuna tamakkerlugu digitaliseeriinermut periusissaq, Kommuneqarfik Sermersuumi IT pillugu periusissamit malinneqarlunilu ataqqineqarpoq. Aammattaaq periusissiaq Naalagaaffiit Peqatigiit nunarsuarmi anguniagai marluk malillugit suliarineqarpoq, matumani "najukkami innuttaasut piujuartut aamma suliffissuit, nutaaliorneq attaveqarnerlu ukkataralugit" IT pillugu periusissiaq suliap ingerlanneqarnerani attuumassuteqartuulluni.

Ingerlariaqqinnissaq

IT-qarfiup qitiusumit aqunneqarnerulernissaanut ukiunut tulliuuttunut IT pillugu periusissiaq Kommuneqarfik Sermersuumut tunngaviliissasoq aamma IT pillugu periusissaliornissamut isumannaallisaanermullu suleqatigiissitaq aqutsinermut akisussaalissasoq.

Aningaasaqarnermut Allatseqarfimmit oqaaseqaatit

IT-qarnerup iluani aningaasartuutit qitiusumiit aqunneqarnerulernissaa pissasoq Aningaasaqarnermut Inuussutissarsiornermullu Ataatsimiititap ataatsimiinnermini septemberip 19.iani, kiornatigullu kommunalbestyrelsip naqissunernerani 2. oktober aaliangiinermikkut Kommuneqarfik Sermersuumi IT-qarnerup periusissamik sanasoqassasoq aaliangerpaat. Periusissiaq una pineqartoq 2019-imiit 2021-mut ingerlanneqartussatut piffissalernerqartoq aallaqqaammut suliniutissatut pilersaarutinik sisamanik imaqartinneqarpoq:

Innuttaasunik peqataatitsineq/attaveqaqatigiinneq

Innuttaasunik peqataatitsineq pisariaqanngilaq

IT pillugu periusissaliornissamut isumannaallisaanermullu suleqatigiissitap suliassaqarfik pillugu attaveqaqatigiinnissamut pilersaarut akuersissutigissavaa

Ingerlatsivinniit allaniit oqaaseqaatigineqartut

Oqaaseqartitsiniartoqanngilaq

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap 20. maaji 2019-imi aalajangiinera:
Inassut akuerineqarpoq

Ilanngussat

1. Kommuneqarfik Sermersuumut IT pillugu periusissiaq 2019 - 2021 ilanngussartalik.

Punkt 04C: Kommunitut pilersaarummut tapiliusseq Illut eriaginartut – Inaarutaasumik akuersissutigineqarnera

Beslutning

Inassuteqaat akuerineqarpoq.

Bilag

1. Tusarniaanermut akissutinik suliarinninneq
2. Tusarniaassummut akissutit
3. Nuummi illut eriagisassat pillugit Kommunitut pilersaarummut tapiliusseq pillugu periusissiaq
4. Nuuk Illoqarfiup assinga - uddrag

Kommunimut pilersaarummut tapiliusseq Illut eriaginartut – Inaarutaasumik akuersissutigineqarnera

Nuuk Illoqarfiup assinga

Aalajangiiffigisassaq

J.nr.: 16.03.01.01-P16-23-17

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussatut siunnersuut Nuummi illut eriaginartut kommunimut pilersaarummi Illoqarfiup assinga Nuummut tunngaveqalersinneqarnissaa, taamaasillunilu Nuummi illutoqqat kingornussat eriagineqarnissaasa nukittorsarneqarnissaat siunertaavoq Taamaasilluni kommunimut pilersaarummut tapiliusseq aamma Illoqarfiup assinga Nuuk ingerlatsivimmu illunillu piginnittunut atorluagassaassaaq Nuummi illutoqqat kingornussat eriaginissaannut nukittorsarnissaannullu tunngatillugu.

Nuuk Illoqarfiup assinga Kommuneqarfik Sermersuumi Nunatsinnilu siullersaalluni kulturimut nunap assingaa, tamannalu Nuummi illut kingornussat attatiinnarnissaannut misigisaqarfiginerunissaannullu suliniutip ukkatarinissaannut sakkussaavoq.

Kommunimut pilersaarummut tapiliusseq sapaatit akunnerini arfineq pingasuni tamanut tusarniaassutigineqarpoq, tassanilu illuatungerisanit marlunnit akissutit tiguneqarput. Aammattaaq suliffiup avataaniit siunnersortimit kukkunersiorneqarput, taamaammat oqaasertaliussat allangortinneranut tunngassuteqarnerusunik annikitsunik iluarsisassanik tusarniaassummut akissutit peqarput.

Suliaq Sanarfinermut Avatangiisinullu Ataatsimiititap 07. maaji 2019 ataatsimiinnerani eqqartorneqarpoq, inassuteqaatigineqartorlu akuersissutigineqarluni, suliarlu Aningaasaqarnermut Inuussutissarsiornermullu Ataatsimiititap Kommunalbestyrelsimullu inaarutaasumik akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartoq ataatsimiititapit akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Sanaartukkat Eriagisariallit pillugit Kommunimut pilersaarummut tapiliusseq inaarutaasumik Kommunalbestyrelsimut akuersissutigineqassasoq.

Suliassamik saqqummiussineq

Kommunimut pilersaarummut tapiliussatut siunnersuut Nuummi illut eriaginartut kommunimut pilersaarummi Illoqarfiup assinga Nuummut tunngaveqalersinneqarnissaa siunertaavoq.

Taamaasilluni kommunimut pilersaarummut tapiliusaaq aamma Illoqarfiup assinga Nuuk ingerlatsivimmut illunillu piginnittunut atorluagassaassaaq Nuummi illutoqqat kingornussat eriaginissaannut nukittorsarnissaannullu tunngatillugu. Kommunimut pilersaarummut tapiliusaaq naapertorlugu Nuummi illut sorliit eriagisassaanersut aamma qanoq aserfallatsaaliorneqassanersut aalajangersarneqassapput.

Aaggissugaaneq

Kommunimut pilersaarummut tapiliusaaq Nuuk Illoqarfiup assinga ilanngullugu atuarneqassaaq. Immikkoortoq 1-imiipput Nuummi illoqarfiup immikkoortuini eriagisassat assigiinngitsut nassuiarneqarneri kiisalu sooq eriagisassaanersut pillugit nassuiaat. Immikkoortoq 2-miipput illoqarfimmi illut 74-it eqqissitit eriagisassallu tamarmik misissuataarneqarneri nalunaarsornerilu.

Illut eriagisassat aserfallatsaaliorneqarnerinut, allanngortiternerinut aamma/imaluunniit allilernerarnerinut atatillugu illumik piginnittut qanoq iliortoqarsinnaanersoq/iliortoqassanersoq kommunimut pilersaarummut tapiliussami aalajangersakkatigut nassuiaatitaqarpoq.

Kommunimut pilersaarummut tapiliussami tunngaviit tassaapput:

- Nuummi illut sorliit eqqissimatitaanersut imaluunniit eriagisassaanersut aalajangersassallugit.
- Nuuk Illoqarfiup assinga atorlugu illut pineqartut qanoq naleqarnerisut takussutissiaralugit taamaalillutillu pitsanngorsarnissaannut suliarineqalissagaluarpata aamma/imaluunniit ilaneqalissagaluarpata assigisaannillu qanoq attanniarneqarnissaat qulakkeerneqarsinnaanersut.
- Ataatsimut illutoqqat kingornussat aserfallatsaaliornissaannut sakkussat pillugit nassuiaateqassasoq
- Eriagisassaqarfiit illullu eqqarsaatigalugit kommune pitsaanerpaamik qanoq iliorsinnaaneranut tunngavissanik aalajangersagaqassasoq
- Illut eriagisassat pillugit sullissinermi pingaarnertut malittarisassaliortoqassasoq.

Aaqqiissutissatut siunnersuut – suliaticigut naliliineq

Kommunimut pilersaarummut tapiliusaaq Nuuk Illoqarfiup assinga ilanngullugu illut eriagisassat pillugit ingerlatsiviup suliaqarnerani sakkussatut atorneqassapput taavalu illunik eriagisassanik piginnittut illutik pillugit qanoq iliorsinnaanerlutik qanorlu iliortariaqarnerlutik ilitsersuutitut atorsinnaallugit.

Nuuk Illoqarfiup assingata ilaani allami illut misissornerini angusat imaapput, illut arlallit eriagisassatut nalorninartuusut. Taamaattumik illut arlallit eriagisatut inissisimanerisa atorunnaarsinneqarnissaat pilersaarutaavoq, ilaatigut oqaluttuarisaaneq pillugu illut pitsaanerumik oqaluttuassartaqartut iliuuseqarfigineqarnerisa pitsaanerumik ukkatarineqarnissaat anguniarlugu.

Naggataatigut kommunimut pilersaarummut tapiliusseq naapertorlugu siunissami kommunimi illoqarfimmik nutarsaaneq pillugu aningaasaliissutissaqarnissaq ammaanseqassaaq. Illoqarfimmi illut eriagisariaqakkat iluarsartuuttarnissaannut atatillugu tapiissuteqartarnissaq eqqarsaatigalugu atorineqartassasoq siunertaavoq. Suliataapersorneqarsinnaasutut assersuutit tassaasinnaapput:

- Nukissiuuteqarnikkut sipaartunut tunngasut.
- Silap pissusiinut illersuutit; illup qaliaanik, qarmakkap silarliup, matut isaarissallu, illup aniinganertaasa toqqaviatalu iluarsartuunneqarneri, taarsersorneri imaluunniit nutarterneqarneri.
- Inissiami perusuersartarfimmik uffarfimmillu namminerisamik anartarfeqanngitsumik pilersitsineq.
- Tamat kuuffissuannut atassusilersinneq

Suliassat siuliini taaneqartut tunngavigalugit illup eriaginassusianut qulakkeerinnittussaapput imaluunniit naleqassusianut annertusaasussaapput.

Aningaasatigut sulisoqarnikkullu naliliinerit

Kommunimut pilersaarummut tapiliusseq sulisutigut imaluunniit aningaasatigut kingunerisassaqqanngilaq, taamaattoq illoqarfiup kusassarnissaanut aningaasaliissutissamik taavalu kommune pillugu pilersaarnermik nalunaaruteqarnerup pilersitsinissamut innersuussutit malinneqassappata, kommunip illut pigisami eriagisassat aserfallatsaaliornissaannut aningaasanik immikkoortitsisoqartariaqartassaaq. Tamanna 2019-imut missingersuutit ilaattut pilersaarusioneqassaaq.

Inatsisitigut tunngavissaq allakkallu tunngaviusumik uppernarsaatitalit

Pilersaarusioneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq aamma Inatsisartut inatsisissaat nr. 34, 9. december 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliusseq aamma Nuuk Illoqarfiup assingata inaarutaasumik akuersissutigineqareernerisa kingorna, kingullertut taaneqartup oqaatsit marluusut atorlugit naqiterneqarnissaa pilersaarutaavoq. Nuuk Illoqarfiup assingata kommunimut pilersaarummut tapiliusseq ilanngullugu illunik eqqissisititanik eriagisassanillu piginnittunut agguanneqassasut Ingerlatsivimmit siunertarineqarpoq.

Tamanut saqqummiussinerup saniatigut illoqarfiup illunik kingornussanik takutitsineranut Ingerlatsiviullu sulianik sularinninneranut sakkussatut atorineqassaaq.

Illoqarfiup assinginik suliaqartoqarnissaa pilersaarutigineqarpoq, matumani ilaatigut Paamiut aamma Tasiilaq eqqarsaatigalugit.

Kommunimut pilersaarummut tapiliusseq akuersissutigineqareernerata kingornatigut illut eriagisassatut aallaqqaammut inissisimalernissaannut siunniussaagaluartut eriagisassatut naleqarunnaartussatut nalilerneqartut eriagisassatut inissisimaneri ingerlatsivimmit

atorunnaarsinneqassapput. Taamaalillutik illut eriagisassaasut sinneri sammineqarnerulissapput aserfallatsaaliorneqarnissai aamma eqqarsaatigalugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit siuliini suliniutitut taakkartorneqartut pitsaasutut isigai suliassamillu saqqummiussaq innersuullugu.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatip akunnerini arfineq pingasuni tamanut tusarniaassutigineqareerpoq, tassanilu illuatungerisanit marlunnit tusarniaassummut akissuteqartoqarpoq, ilaatigutllu Nuummit Eqqaamasat ataatsimeeqatigineqarlutik.

Nuuk Illoqarfiup assinga tusarniaassutigineqarnerata nalaani suliffiup avataani siunnersortimit kukkunerisiorneqarpoq, ilaatigut suliame taaguutit eqqortut innersuussutillu atorneqarnissaat qulakkeerniarlugu. Tusarniaassummut akissutit ilanngullugit allanneqarnerinik annikitsunik iluarsiisoqarnissaanik kinguneqarpoq, matumani oqaaseqaatigiit allanngortinneqarnerinut tunngassuteqarnerusut pineqarlutik.

Ingerlatsivinniit allaniit oqaaseqaatigineqartut

Kommunimut pilersaarummut tapiliussaq ingerlatsivinni allani tusarniaassutigineqanngilaq taamaattumik oqaaseqaatinik allanik takkuttoqanngilaq.

Siusinnerusukkut aalajangerneq

Sanarfinermut Avatangiisinullu Ataatsimiititap 07. maajii 2019-imi aalajangernera:
Ataatsimiititap inassuteqaat akuersissutigaa

Aningaasaqarnermut Inuusutissarsiornermullu Ataatsimiititap 20, maajii 2019-imi aalajangiinera:
Inassut akuerineqarpoq

Ilanngussat

1. Tusarniaanermut akissutinik suliarinninneq:
2. Tusarniaassummut akissutit
3. Nuummi illut eriagisassat pillugit Kommunimut pilersaarummut tapiliussaq pillugu periusissiaq
4. Nuuk Illoqarfiup assinga - *uddrag*

Punkt 04D: ”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu” siunnersuut

Beslutning

Inassuteqaat akuerineqarpoq.

”Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu” siunnersuut

Kommunalbestyrelsimi siunnersuut

Aalajangiiffigisassaq

J.nr.:44.02.10.01

Meeqqanut Atuarfeqarnermullu Ingerlatsivik – Pisortaq Helene B Berthelsen / HEBE

Suliap eqikkarnera:

Meeqqanut Atuarfeqarnermullu Ingerlatsivik Kommunalbestyrelsimi ilaasortanit Siumut gruppiant siunnersuummik tigusaqarpoq:

- Ilinniagaqartut meerallit paaqqinnittarfinni meeqqatik paaqqinnittarfinniitinnissaannut pitsaannginnerusumik inissisimatinneqarnissaat, ilinniagaqartup inooqataata atorfeqarnera piinnarlugu

Meeqqanut Atuarfeqarnermullu Ingerlatsivik Ilinniartitaanermut, Kultureqarnermut, Ilageeqarnermut Nunanullu allanut tunngasunut Naalackersuisoqarfimmut apeqquteqaammik nassiussivoq, Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq pillugu § 9-ip nassuiaataa meeqqat utaqqisuniittut tulleriinnilersornerannut pingaarnersiuiueq pillugu imaqartumik.

Ingerlatsiviup apeqquteqaammini aamma apeqqutigaa, taamani Namminersorerullutik Oqartussanit piumasaqaataasut Kommunalbestyrelsimi septembarip ulluisa 5-t 2018 akuersissutigineqartut, ilinniartuq tassaassasoq kisermaa imaluunniit aapaariittut tamarmik ilinniartut oqaaseqatigiit imatut allannngortinneqarsinnaanersut imaalillugit, ilinniagaqartut tamarmik qanorluunniit inissisimagunik paaqqinnittarfinni inissanut 110-nut ilinniagalinnut immikkoortinneqartunut ilanngussinnaassasut.

Naalackersuisoqarfimmiit akissuteqaat ilaatigut ima nipeqarpoq, meeqqat suli atualinngitsut pillugit inatsimmi § 9 kisiat malillugu pingaarnersiuiueq ingerlanneqassasoq. Kiisalu tunniussinermi isumaqatigiissut aalajangiussaqtuussimasoq 1989-imiit tunniussinermi piumasaqaataasut tassaaginnartut, nalornissuteqarnermi taamaallaat Inatsisitigut nassuiaassutitut ilanngussatut atorfeqarsinnaasut. Kiisalu apeqqummut tunngatillugu tamanna qularnanngilluinnartoq, Inatsisartut § 9-imi pingaarnersiuiuermi ersarilluinnartumik allaaserinninnerat pissutigalugu.

Naalackersuisoqarfiup akissuteqaataa innersuussutigalugu, Meeqqanut Atuarfeqarnermullu Ingerlatsiviup innersuussutigaa, ilinniagaqartunut suliameq pineqartunut maannakkumut suleriuseq atuutiinnassasoq.

Suliaq Meeqqanut Atuarfeqarnermullu Ataatsimiititami 7. maj 2019 oqaluuserineqarpoq, tassanilu ataatsimiititami inassuteqaatit akuerineqarput, suliameq inaarutigalugu Aningaasaqarnermut Inuussutissaqarnermullu Ataatsimiititamut Kommunalbestyrelsimullu akuerisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 10. aprili 2019-imi ataatsimiinnerani oqaluuserineqarpoq, inassuteqaatigineqartoq ataatsimiititami akuersissutigineqarpoq suliameq Kommunalbestyrelsimut inaarutaasumik akuerisassanngorlugu ingerlateqqinneqarluni.

Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- manna tikillugu sulieruserineqartoq suli atuutsinneqassasoq aamma Kommunalbestyrelsimut akuersissutigineqassasoq

Suliamik saqqummiussineq

Kommunalbestyrelsimut siunnersuutigineqarpoq ilinniagaqartup inooqataata atorfeqarnera pissutigalugu ilinniagaqartut meerallit paaqqinnittarfinni meeqqamik paaqqinnittarfirmiitinnissaanut pitsaannginnerusumik inissisimatinneqassanngitsut. Siunnersuutip toqqammavia: (Kommuneqarfik Sermersuup nutserneqarnera)

"Sukkulluunniit tapersersortuarparput, ilinniagaqartut meeraat paaqqinnittarfinni inissaqarnissaat.

Apeqqutaatinneqassanngilaq, ilinniagaqartup inooqataata atorfeqarnera pillugu qitornani paaqqinnittarfirmiitarnissaanut periarfissaqarnissaa. Sutigut tamatigut

erseqqissaatigiuaannarparput, ilinniagallit atugarisaasa pitsanngorsarneqarnissaat pinngaartikkipput. Tamatumani aamma atuuppoq, ilaqutariit ingerlaannartumik tapersersorneqarnissaat periarfissaasa pitsaanerunissaat pineqartillugit.

Ilinniagallit pinngaartillugit politikikkut suaaruteqarutta pisussaaitaavugut sapinngisarput tamaat nammataannik oqilisaatissallugit. Aamma sukkulluunniit qulakkeertussaavarput, ilinniagaqartut

meerallit atugarisaat pitsaanerpaamik qulakkiissallugit. Taamaattumik pissusissamisuumngilaq, ilinniagaqartoq meeralik tulleriissaarinermi kingullinngortinneqarnissaa, ilinniagallip inooqataata atorfeqarnera piinnarlugu akerlianilli atugarisaannik kivitsiniarneq pinngaartinneqartussaavoq.

Kommune pisussaaitaavoq inuit sulisinnaanngitsut ikiussallugit. Immini ajoqutissaqanngilaq, ilinniagalinnit meeraasut paaqqinnittarfinni inissisinneqarnissaat kisianni tassa Siumut

isumaqarpoq, pinngaartissagipput, ilinniagallit ilinniakkaminnik naammassinnittut amerlinissaat.

Taamaattumittaaq apeqqutaasariaqanngilaq, ilinniagalik atorfilimmik inooqateqarnera, ilinniagalik pisinnaatitaaffeqarpoq, ilinniagallip pisinnaatitaaffii naapertorlugit.

Taamaattumik Siumut gruppiannit siunnersuutigaarput, ilinniagallip pisinnaatitaaffii naapertorlugit qitornani paaqqinnittarfirmiitarnissaanut aalajangiusimaneqarnissaa apeqqutaatinnaguli ilinniagalik atorfilimmik inooqateqarnera".

Januaarip aallaqqaataani 1989 Nuup Kommuneata ulluunerani paaqqinniffiit

Namminersornerullutik Oqartussanit pigineqartut pingasut tiguai, tigusinermi paaqqinnittarfinni inissat katillugit 110-t ilinniartut meeraannut immikkoortinneqarnissaat piumasaqaataalluni

Paaqqinnittarfiit pingasut taaneqareersut tiguneqarneranni, aamma siunnersuutaavoq

ilinniagaqartoq tassaassasoq kisermaa imaluunniit aappariit tamarmik ilinniartuusut.

Kommunalbestyrelsimut siunnersuutit tamarmik akuersissutigineqarput septembarip ulluisa 5-t 1988.

Periusissiaq taamani akuerineqartoq suli ullumikkut atuuppoq. Ilinniartut uani pineqartut meeraannut inissat 110-t tamarmik atorneqanngippata, sinneri meeqqanut utaqqisut allattorsimaffianiittunut pingaarnerisuiueq § 9 –mi allassimasoq malillugu inersuunneqartarput:

1) Ataatsimoortut a: Meeqqat - isumaginninnermut ataatsimiititaliamit innersuunneqartut - immikkut perorsaannikkut pisariaqartitsinertik pissutsilluunniit allat meeqqap inerikkiartorneranik ulorianartorsioortitsisinnaasut pissutigalugit.

2) Ataatsimoortut b: Meeqqat meeraaqqerivinniit kommunimiluunniit angerlarsimaffimmi paarsisarfinniit meeqqerivinnut ukiutik pissutigalugit nuuttussat.

3) Ataatsimoortut c: Meeqqat suliffeqartunik imaluunniit ilinniartunik kisermaajusunik pilersorneqartut.

4) Ataatsimoortut d: Meeqqat pilersuisuii tamarmik suliffeqartut imaluunniit tamarmik ilinniagaqartut.

5) Ataatsimoortut e: Meeqqanik pilersuisup aappaa suliffeqartoq imaluunniit angajoqqaap aappaa ilinniagaqartoq.

6) Ataatsimoortut f: Meeqqat pilersuisuii allallu, tassunga ilanngullugit kisimiittut, tamarmik suliffeqaangitsut imaluunniit ilinniagaqartuunngitsut.

Meeqqanut Atuarfeqarnermullu Ingerlatsivik Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoqarfimmum Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq §9-ip nassuiaataa pillugu apeqquteqarpoq. Apeqquteqaammi pineqarpoq, Inatsisip pineqartup §9-ata nassuiaataa qanorpiaq paasineqarsinnaanersoq, kiisalu meeqqanik paaqqinniffinnut isaatitsinermi, ilinniartut uani pineqartut meeraa , inatsimmi pineqartumi §9 unioqputinnagu salliutinneqarsinnaanersut.

Ingerlatsiviup apeqquteqaammini aamma apeqqutigaa, taamani tigusinermut atatillugu Namminersornerullutik Oqartussanit piumasaqaataasut Kommunalbestyrelsimit septembarip ulluisa 5-t 2018 akuersissutigineqartut, ilinniartuq tassaassasoq kisermaa imaluunniit aapaariit tamarmik ilinniartuusut, taakkua allanngortinneqarsinnaanersut, ilinniagaqartut tamarmik qanorluunniit inissisimagunik paaqqinnittarfinni inissanut 110-nut ilinniagalinnut immikkoortinneqartunut ilanngussinnaalersillugit.

Ilinniartitaanermut, Kultureqarnermut, Ilageeqarnermut Nunanullu allanut tunngasunut Naalakkersuisoqarfik marsip ulluisa 11-t 2019 tassunga imatut akissuteqarpoq:

”Saaffiginnissutinnit takuneqarsinnaavoq, § 9-imi atualertussat pillugit inatsit naapertorlugu immikkut nassuiaanissamut periarfissaqarnissaq pineqartoq, suunuku januaariip ulluisa aallaqqaataat 1989-imi Nuuk kommunianut suliffeqarfiit pingasut tunniunneqarmata Namminersornerullutik Oqartussanit piumasaqaatit aalajangiunneqartut. Inatsisitigut tunngavigineqartoq tassaavoq, taamaallaat pingaarnersiuiineq tunngavigalugu meeqqat suli atualinngitsut pillugit inatsit § 9 malillugu iliuuseqarnissaq. Tunniussinermi isumaqatigiissumiaalajangiussat tassapput 1989-imi tunniussinermi atugassarititaasut pillugit nalorngissuteqarnermi inatsisitigut nassuiaatinut taamaallaat ila nngunneqarsinnaasut. §9-mi Kiisalu apeqqummut tunngatillugu tamanna qularnanngilluinnarpoq, Inatsisartut § 9-imi pingaarnersiuiinermi ersarilluinnartumik allaaserinninnerat pissutigalugu.

Taamaattumik § 9-imi pingaarnersiuiineq qimerloorneqartariaqarpoq. Tunniussinermi piumasaqaatit 1989-imeersut allanngortinneqarnissaat patsisissaqanngilaq.

Nalinginnaasumik inatsisitigut maleruagassiat Inatsisartut Inatsisaannit ilusilersugaq Inatsisartunit akuersissutigineqartoq, malittarisassanit pingaarnesuvoq isumaqatigiissutigineqartunut naleqqiullugu. Tamatuma nalinginnaasumik Inatsisitigut nassuiaariaatsini tunngaviit malinneqarput. Allatut oqaatigalugu taamaallaat Inatsisartut Inatsisaat maliinnarneqassaaq assersuutigalugu isumaqatigiissutini aalajangersakkat Inatsimmut naapertuutinningsut isiginngitsuusaarlugit”.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsiviup suliatigut naliliinera imaappoq, suliamut eqqartorneqartumut tunngatillugu tassaasumut, ilinniagaqartussap inooqataata atorfeqarnera patsisigalugu meeqqanik utaqqisunut inissiisarneq allanngortinneqarsinnaanngitsaq, takuuk § 9 Inatsisartut Inatsisaat atuuttoq Naalakkersuisoqarfimmit akissut tunuliaqutigalugu. Tamatumalu kinguneranik ilinniartut suliffilimmik aappallit meeraasa utaqqisunut inissinneqartarnerannut suleriuseq ullumikkut atuuttoq atuutiinnassasoq.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavigisat allagaatillu uppersaatitallit

Meeqqanut suli atualinngitsunut perorsaanikkut inerikkiartuutaasut ulluunerani neqeroorutit pillugit Inatsisartut inatsisaattut siunnersuut nr. 16,3.december 2012-meersoq.

Ingerlaqqinneq
Soqanngilaq

Aningaasaqarnermut Allattoqarfimmit oqaaseqaatit

Aningaasaqarnermut Allattoqarfimmit oqaaseqartitsisoqarsimannngilaq.

Innuttaasunut akuutitsineq/attaveqarneq

Soqanngilaq

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 7. maj 2019-meersoq:

Inassuteqaatit akuerineqarput

Aningaasaqarnermut Inuusutissarsiornermullu Ataatsimiititap 20. maaji 2019-imi aalajangiinera:

Inassut akuerineqarpoq

Ilanngussat

Soqanngilaq

Punkt 04E: Kommuneqarfik Sermersuumi aningaasat meeqqamut malinnaatinneqartarnissaat pillugu, imaalillugu, angajoqqaanut pilerinartuussasoq nammineq angerlarsimaffimmi meeqqaminnik paarsisarnissaq ulluunerani paaqqinnittarfirmiititsinermut taarsiullugu siunnersuut

Beslutning

Inassuteqaat Inuit Ataqtigiinnit Suleqatigiissitsisunillu akuerineqarpoq. Innersuut Siumumiit Demikraatiniillu itigartitsissutigineqarpoq kissaatigineqarlunilu Meeqqanut Atuarfeqarnermullu Ataatsimiititamut ingerlateqqinneqassasoq. Inassuteqaat akuerineqarpoq.

Kommuneqarfik Sermersuumi aningaasat meeqqamut malinnaatinneqartarnissaat pillugu, imaalillugu, angajoqqaanut pilerinartuussasoq nammineq angerlarsimaffimmi meeqqaminnik paarsisarnissaq ulluunerani paaqqinnittarfimmiititsinermut taarsiullugu.

Kommunalbestyrelsimut ilaasortap Randi Vestergaard Evaldsenip (D) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunalbestyrelsimut ilaasortaq Randi Vestergaard Evaldsen (D) marsip 23-ani 2019-imi Kommunalbestyrelsimut aalajangiiffigisassatut siunnersuuteqarpoq. Randi Vestergaard Evaldsenip kissatigivaa Kommunalbestyrelsimut eqqartorneqassasoq Kommuneqarfik Sermersuumi aningaasat meeqqamut malinnaatinneqartarnissaat pillugu, imaalillugu, angajoqqaanut pilerinartuussasoq nammineq angerlarsimaffimmi meeqqaminnik paarsisarnissaq ulluunerani paaqqinnittarfimmiititsinermut taarsiullugu.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Allaffeqarfimmiit oqaaseqaatit tunngavigalugit siunnersuut itigartitsissutigineqarpoq.

Suliassamik saqqummiussineq

Kommunalbestyrelsimut ilaasortaq Randi Vestergaard Evaldsen (D) marsip 23-ani 2019-imi Kommunalbestyrelsimut aalajangiiffigisassatut siunnersuuteqarpoq. Randi Vestergaard Evaldsenip kissatigivaa Kommunalbestyrelsimut eqqartorneqassasoq Kommuneqarfik Sermersuumi aningaasat meeqqamut malinnaatinneqartarnissaat pillugu, imaalillugu, angajoqqaanut pilerinartuussasoq nammineq angerlarsimaffimmi meeqqaminnik paarsisarnissaq ulluunerani paaqqinnittarfimmiititsinermut taarsiullugu.

Siunnersuummut tunngavilersuut:

"Demokraatinit kissatigineqarpoq innuttaasut tamarmik kiffaanngissuseqarnissamik periarfissinneqassasut aamma namminneq aalajangiisinnaassuseqarnissaat. Tamanna aamma ilaqutariinnut meeratalinnut atuuppoq. Taamaattumik ilaqutariit meerartallit ataasiakkaat namminneq meeqqamik angerlarsimaffimmini paarinissaannik imaluunniit ulluunerani paaqqinnittarfimmiititsinissamik isummertarnissaat siunnersuutigivarput. Matumani aningaasat meeqqamut malinnaatinneqarnissaat qitiutinneqarpoq, taamaalilluni kommune angajoqqaanut aningaasanik ulluunerani paaqqinnittarfimmut akiliutissat nalinginik tunniussaqaqarnermigut sipaaruteqartinneqassammat.

Ullumikkut ulluunerani paaqqinnittarfinnut malittarisassat imaapput, angajoqqaat akiuliteqartarlutik aamma kommune akiliuteqartarluni.

Kommunip 2019-imi akiliutai tulliuuttumi imatut ipput:

7.590 koruunit meeraaqqerivimmi inissamut

6.640 koruunit meeqqerivimmut inissamut

6.840 koruunit ullukkut meeqqamik paarsaqartarnermut.

Angajoqqaat akiluiteqartarneranni isertitarineqartartut apeqqutaatinneqartarput.

Assersuuteqalaarlanga. Qitornaqaraanni meeraaqqerivimmiinnissaminut pisoqaassutsimigut naammatsseqasumik, taannalu nammineq angerlarsimaffimmi paarinissaa toqqarsimallugu, taava qaammammut 7.590 koruuninik angajoqqaat tunineqarsinnaatitaassapput.

Missingersuutit eqqarsaatigalugit siunnersuut missingersuutitut sunniuteqassanngilaq, tassami pisortat missingersuusiormermanni meeqqat tamarmik inissamik neqeroorfigisariaqarmatigit.

Siunnersuutip utaqqisunik allattorsimaffik appartissinnaassavaa, siunnersuutip akuersissutigineqarneratigit naatsorsutigineqarsinnaammat imaassinnaasoq angajoqqaat tamarmk ulluunerani paaqqinnittarfimmiititsinissaminnik kissaateqanngitsut.

Taamatut siunnersuuteqarnikkut Demokraatinit kissaatigineqarpoq, angajoqqaat namminneq paarserusuttut namminneq paarsinissaminnut periarfissinneqassasut, namminneq paarsinermikkut aningaasanik kommunip paaqqinnittarfimmut sipaarutigisaanik tunineqartarlutik. Siunnersuutip utaqqisunik allattorsimaffik appartissinnaassavaa, siunnersuutip akuersissutigineqarneratigit naatsorsutigineqarsinnaammat imaassinnaasoq angajoqqaat tamarmk ulluunerani paaqqinnittarfimmiititsinissaminnik kissaateqanngitsut.”

Siunnersuut qanoq aningaasaliiffigineqassava?

”Missingersuutit eqqarsaatigalugit siunnersuut missingersuutitut sunniuteqassanngilaq, tassami pisortat missingersuusiormermanni meeqqat tamarmik inissamik neqeroorfigisariaqarmatigit.”

Aningaasaqarnikkut sulisoqarnikkullu naliliineq

Aningaasatigit sulisoqarnikkullu naliliinerit, suliap ataatsimiititamut susassaartumut ingerlateqqinnissaanut, Kommunalbestyrelsip aalajangiinerani suliambut ilaatinneqassapput.

Inatsisitigit tunngavissaq allakkallu tunngaviusumik uppersaataitallit

Kommunit aqunneqarnerat pillugu Inatsisartut inatsisaat nr, 22, 18, novembari 2010-meersoq § 13 Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutiniq saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigit aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasorta, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik sularinneqqusilluni allakkatigit qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Suliffeqarfimmut Kiffartuussivimmit innersuussutip tunuliaqtaa:

Siunnersuut tunngavissaqartariaqarpoq kinguneqaatissanillu soorlu isertitanut aarlerinaatilinnik il.il. misissuinerit amigaataapput.

Siunnersuut aningaasartuuteqarfiussaaq. Kommunip paaqqinniffinnut missingersuutai taamaaginnassapput ilaqutariinnullu akiliutigisartagaq saniatigit aningaasartuutaaginnassaaq.

Allaffeqarfiup paaqqinniffinnut utaqqisorpassuaqarfiusuni, paaqqinniffinnik sanaartorneq aallartisalereerpaa inatsisillu atuuttut naapertorlugit angerlarsimaffinni meeqqanik paarsisartut aamma angerlarsimaffinni meeqqanik paarsisartut namminersortut immikkut isiginiarneqarput .

Ingerlariaqqinnissaq

Kommunalbestyrelsip aalajangenera tunngavigalugu Qinikkanut Allatseqarfianit allaffissornikkut suliarineqassaaq.

Ilanngussaq

Soqanngilaq

Punkt 04F: Kommuneqarfik Sermersuumi utoqqarnut kiffartuussisarnermi periutsit atorpeqartut pillugit pitsannorsaasoqarnissaanik siunnersuut

Beslutning

Inassuteqaat akuerineqarpoq IA-mit Suleqatigiissitsisunillu, Siumumiit Demokraatinillu inassuteqaat itigartinneqarpoq Suliffeqarnermut Isumaginninnermullu ataatsimiititamut ingerlateqqinneqarnissaa siunnersuutigineqarluni. Inassuteqaat akuerineqarpoq.

Kommuneqarfik Sermersuumi utoqqarnut kiffartuussisarnermi periutsit atorneqartut pillugit pitsanngorsaasoqarnissaanik siunnersuut

Kommunalbestyrelsimut ilaasortap Laura Táunâjip (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunalbestyrelsimut ilaasortaq Laura Táunâjip (S) maajip 6-ni 2019 Kommunalbestyrelsip aalajangiiffigisassaatur siunnersuummik nassiussivoq. Laura Táunâjik kissaatigivaa Kommuneqarfik Sermersuumi utoqqartatsinnik sullissinerup pitsanngorsarnissaanut periarfissat Kommunalbestyrelsimut oqaluuserineqarnissaat.

Inassuteqaat

Suliffeqarfimmut Kiffartuussiviup Kommunaldirektøri inassuteqaatiga:

- Siunnersuut itigartitsissutigineqassasoq

Suliassamik saqqummiussineq

Kommunalbestyrelsimut ilaasortaq Laura Táunâjip (S) maajip 6-ni 2019 Kommunalbestyrelsip aalajangiiffigisassaatur siunnersuummik nassiussivoq. Laura Táunâjik kissaatigivaa Kommuneqarfik Sermersuumi utoqqartatsinnik sullissinerup pitsanngorsarnissaanut periarfissat Kommunalbestyrelsimut oqaluuserineqarnissaat.

Siunnersuuteqarnermut tunngavilersuut:

"Tasiilami utoqqaat nammieersinnaanerusut angerlarsimaffianni eqqiaasarneq, kiffartuussisarneq, apummik nivattarneq allallu pillugit ikiuuttarneq pillugu aqqissuusoqaaqqittariaqarpoq. Ilaatigut utoqqaat nammieersinnaanerusut angerlarsimaffiminni ikiorneqartarnerat amigarineqartoq ataasiarata Siumumi qinikkanut anngussiffigineqartarnera nalaassimavarput. Tamanna utoqqarnut ataqqinartunut pissuserissallugu tulluunngimmat siunnersuuteqarninnut tunngaviuvoq.

Utoqqaat nammieersinnaanerusut sapaatip akunnerata ataatsip ingerlanerani ataasiaannarlutik eqqiaaffigineqartarput. Errorsissunneqarnerlu aamma sap ak ataatsip ingerlanerani ataasiaannarluni aamma pisarpoq. Uani tikinnigara tassaavoq eqqiaanermi piffissaq akunneq ataaseq kisiat atorlugu ikiuisarneq pitillugu pequtilluunniit nikisinneqarsinnaanngivissortartut, pujoralak toqqoqqasoq peerniarneqarsinnaanani. Allatut ajornartumik utoqqaq pitsorlulersimagaluarpalluunniit nammieerluni pequtimi illuarnissai pisussaaffigilersarlugit. Tamanna utoqqarmut imminut paarisariaqartumut naleqqunnilu tulluanngilluinnarpoq, minnerunngitsumik akuersaaruminaatsuvoq. Utoqqaat pisinnaanerusut timimikkut imminut paarinissaat tapersersortariaqarpavut, killormut sulisorisat qajannartuliatut sullissinissaat inissaminiinngittoq isumaqarpunga.

Ukiukkut aput takkukkaangat isumagineqarnerisa annikinnerat peqqutaalluni allatut ajornartumik arlaatigut nivassunneqarnissamik ujartuullutik ikiortissarsiorarsimapput. Kiffartuussineq utoqqarmut ataqqinnippalaarnerusariaqarpoq, Kommunip ataani suligaanni ikioqqullutik sianertussat utaqqinngikkaluarlugit taakkunani sullissisut eqeersimaarnerusariaqarput. Pisariaqartitsinerat

aallaavigalugu piffiillu qanoq ilinera apeqqutaatillugu pilersaarusiorsinnaaneq Kommunip ataani sulisuni aaqjissuunneqarsinnaasariaqarpoq.

Utoqqaat pillugit immikkoortortaqaarfinni sulisut allaffimmini pappiliarsornerinnaq kisiat ingerlannagu ornillugit tusarniaaffigisinnaasariaqaralarpaat, misigitillugit soqutigineqartut, pingaartinneqarlutik minnerunngitsumik naleqassutsimik tusaaneqartutullu misigitsissinnaallugit. Utoqqarnut tamanna annertuumik qiimmaallaataassaaq immaqalu aamma nukittuallaataasinnaalluni.

Siunertaa:

Utoqqaat pisinnaanerusut angerlarsimaffimmini kiffaartuunneqarnerat, eqqiaaffigineqarnerat, errorsissunneqarnerat ukiumilu nivassunneqarnerat pitsanngorsarneqartariaqarpoq. Utoqqaat pisinnaanerusut suliassat tungaasigut angerlarsimaffimmini suliassatigut oqilisaanneqarnerat annertusarneqartariaqarpoq. Tassungalu ilutigitillugu utoqqaat susassaqartunit Kommunip ataani immikkoortortaqaarfiit aqutsisunit pulaarneqartarnissaat siunnersuutigalugu innersuussutigaa.

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 18. novembari 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit sulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasisutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Suliffeqarfimmut Kiffartuussivimmit innersuussutip tunuliaqtaa:

Ulloq 12 marts 2019 sullissinermi pitsaassutsimut aalajangersakkat 2019, ilaatigut utoqqarnut ikiorsiinerit, aputaanaanerit ilaalu ilanngullugit kommunalbestyrelsimit akuersissutigineqarput.

Tassani tulleriaarisartoqatigiit innuttaasut ataasiakkaat pisariaqartitaannik nalilersuisarput taakkulu aallaavigalugit ataasiakkaat pisariaqartitaat naapertorlugit ikiorsiinissat aalajangerneqartarlutik. Taamaasilluni pitsaassutsinik allaaserisani/malittarisassani attaveqaataasunik paasisutissat, akissuteqarnissamut ulluliussat kiisalu naammagittaalliuteqarnissamut ilitsersuutit.

Taakku saniatigut ingerlatsivinni ataasiakkaani aqutsisut namminneq nalilertassavaat innuttaasut aqutsisunit pulaarneqartariaqarnersut, tamannalu aqutsisunit eqqummaariffigineqarpoq.

Taamaattumik siunnersuut itigartitsissutigineqarpoq innersuussutigalugit sullissinermi pitsaassutit malitassatut allaaserisat qaammatit pingasut qaangiuttulli kommunalbestyrelsimit akuersissutigineqartut.

Ingerlariaqqinnissaq

Qinikkanut Allatseqarfiup siunnersuut qanoq aalajangiiffigineqassanersoq apeqqutaatillugu suliarineqarumarpoq.

Ilanngussat

Soqanngilaq.

Punkt 04G: Tasiilami nunaqarfiinilu Kommunip inissiaatai piteqqamut illersuuteqanngitsut silataaniit matusinnaasunngortillugit sanaartorneqarnissaat

Beslutning

Siunnersuut Iserit A/S-imut nassiunneqassaaq.

Tasiilami nunaqarfiinilu Kommuni inissiaatai piteqqamut illersuuteqanngitsut silataaniit matusinnaasunngortillugit sanaartorneqarnissaat

Kommunalbestyrelsimut ilaasortap Laura Táunâjik (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunalbestyrelsimut ilaasortaq Laura Táunâjik (S) maajip aappaani 2019 Kommunalbestyrelsip aalajangiiffigisassaatusiunnersuummik nassiussivoq. Laura Táunâjik-ip kissaatigaa, Kommunalbestyrelsip Tasiilami nunaqarfiinilu kommunip inissiaatai illersuuteqanngitsut silataaniit matusinnaasunik illersuusersorneqarsinnaanerata oqaluuserissagaa.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Siunnersuut itigartitsissutigineqassasoq

Suliassamik saqqummiussineq

Kommunalbestyrelsimut ilaasortaq Laura Táunâjik (S) maajip aappaani 2019 Kommunalbestyrelsip aalajangiiffigisassaatusiunnersuummik nassiussivoq. Laura Táunâjik-ip kissaatigaa, Kommunalbestyrelsip Tasiilami nunaqarfiinilu kommunip inissiaatai illersuuteqanngitsut silataaniit matusinnaasunik illersuusersorneqarsinnaanerata oqaluuserissagaa.

Siunnersuuteqarnermut tunngavilersuut:

"Tasiilami anorersuaq piteraqq takkukkaangat allaat ima sakkortutigisinnaasarpoq allaat ilaatigut annertuumik aseruiineq assigiinngittutigut nalaanneqarsinnaasarluni. Taamaapporlu inissiat ilaanni allaat nutaaliaasuni igalaat piteqqamut illersuuteqarnatik anorersuarmut ulorianartorsiorsinnaasarmata. Anorersuup piteqqap sakkortussutsiminik assigiinngissinnaanera nunaqavissunit ilisimaneqarluarpoq. Taamaakkaluaq ukiuni kingullerni pingaartumi ukiumi piterartillugu igalaat ilai illumut qaarsinnaasarni takornartaajunnaarsimavoq. Allaallumi ilaqarpoq illup qaavi teqqarsimanerani nalaassisunik, tamakkuli illut nammineq illugisani nalaanneqarsimavoq. Taamaattoq Kommunit illutaat eqqarsaatigalugit sillimaniarneq eqqarsaatigalugu isumannaallisaaneq naammassimangilaq, siornatigut sanaartornermi eqqumaffigineqartuarpoq igalaat illumut qaartuunnginnissaat pinerullugit silataaniit matusinnaasunik sanaartorneq. Akikinneruilluni illunik/inissianik sanaartorneq killormut akisoorujussuusinnaavoq, tamanna aamma inuup inuunerani ulorianartorsiortitsisnaammata apeqquuserneqarsinnaanngilaq. Taamaattumik pisariaqarpoq inissiat Kommunit ataani sanaartugaasut piteqqamut illersuusersorlugit silataaniit matusinnaasunik sanaartorfiusariaqarnerannik."

Siunertaa:

Kommuneqarfik Sermersooq ataani inissiat/illuutit piteqqamut illersuusernissaat pillugit silataatigut parnaarsinnaanngorlugit sanaartorfineqartariaqarput. Isumannaallisaaneq isumannaatsoq

imminullu inissianut/illuutitut illersuisinnaasoq Kommunep suliassatut naammassisinnaasariaqaraa isumaqarpunga.

Piteqqap anorersuartut peqqarniissinnaanera pillugu angerlarsimaffiit inuttaannut illersorsinnaasumik sanaartorneqarsinnaasariaqarput. Ilaatigut anorersuup sakkortuup takkunneratigut sorpassuit oqimaakkaluit teqqarsinnaasarput. Inuullu inuuneranut ilaatigut ulorianarsinnaasunik teqqartoqarsinnaalluni.”

Suliffeqarfimmut Kiffartuussivimmit innersuussutip tunuliaqutaa:

Kommunalbestyrelsip inissiat Iserit A/S-imut tunniunnikuuai. Taamaammat siunnersuuteqartup siunnersuutini oqartussaassuseqartuusumut, tassalu Iserit A/S-imut nassiuttariaqassavaa.

Ingerlariaqqinnissaq

Siunnersuut qanoq aalajangiiffigineqassanersoq apeqqutaatillugu Qinikkanut Allatseqarfimmit suliarineqarumaarpoq.

Ilanngussat

Soqanngilaq.

Punkt 04H: Tasiilami nunaqarfiinilu inissianik inuusuttunut naleqqussakkanik sanaartornissamik siunnersuut

Beslutning

Inassuteqaat akuerineqarpoq aammalu Sanarfinermut Avatangiisinullu Ataatsimiititamut ingerlateqqinneqassasoq.

Tasiilami nunaqarfiinilu inissianik inuusuttunut naleqqussakkanik sanaartornissamik siunnersuut

Kommunalbestyrelsimut ilaasortap Laura Táunâjip (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunalbestyrelsimut ilaasortaq Laura Táunâjip (S) maajip 6-ni 2019 Kommunalbestyrelsip aalajangiiffigisassaatur siunnersuummik nassiussivoq. Laura Táunâjik kissaatigaa Tasiilami nunaqarfiinilu inissianik inuusuttunut naleqqussanik sanaartortoqarnissaa Kommunalbestyrelsip eqqartussagaa.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Siunnersuut imatut allannguuteqartillugu akuerineqassasoq; Siunnersuut Kommuneqarfik Sermersooq tamakkerlugu inuusuttunut inissianut immikkoortunut pilersaarutitut ilusilerlugu piviusunngortinneqassasoq.

Suliassamik saqqummiussineq

Kommunalbestyrelsimut ilaasortaq Laura Táunâjip (S) maajip 6-ni 2019 Kommunalbestyrelsip aalajangiiffigisassaatur siunnersuummik nassiussivoq. Laura Táunâjik kissaatigaa Tasiilami nunaqarfiinilu inissianik inuusuttunut naleqqussanik sanaartortoqarnissaa Kommunalbestyrelsip eqqartussagaa.

Siunnersuuteqarnermut tunngavilersuut:

Tasiilap ukiuni makkunani inuttusiartornera malunnarsiartorpoq, akerlianik nunaqarfiit inukilliartorlutik. Tamatuma tunngavia piffinni arlalinnik peqquteqartumik tunngaveqarpoq. Siullertut Tasiilami inissianik inuusuttut akitigut nammassinnaasaannik sanaartorneq ukiuni arlaqalersuni ingerlarsimangilaq. Tamatuma kinguneraa inissiani inisisimasuutillit allaat inimi ataatsimi arlalissuanngorlutik inoqutigiiernerannut. Inooriaaseq taanna nalitsinnut naleqqunnanilu tulluannngilaq aammalu peqqinnarani.

Inuusuttut namminneq initaarsinnaanikkut periarfissaat annertusineqarneratigut ilorraap tungaanut ingerlanissaq aqqutissiuunneqarsinnaavoq. Akit nammassinnaasaannik inissianik sanaartortoqarnikkut inuunermi kajumissuseq akisussaassuseqartumillu inuunissaq tunngavissinneqarsinnaavoq.

Aappaattullu nunaqarfinniit illoqarfinnut nutsertut ukiut tamaasa takussaajualernerat nalinginnaaleraluttuinnarpoq. Imaaginnangitsoq nunaqarfisik qimakkusuinnarlugu aqqut taanna tamatigut qinerneqartartoq. Peqqutaasulli ilagaat nunaqarfinni illut atorsinnaasut ullutsinnut naleqqukkunnaartut amerlammata. Peqqissutsimullu tulluannngilluinnarmata taamaasillutik illoqarfigisaminni ilaqtaminnut ilisarissimasaminnulluunniit nutsertut

nalinginnaagaluttuinnarsimapput. Tamanna muminganik allanngortinneqassappat inissianik nunaqarfinni sanaartorsinnaaneq annertusaavigineqartariaqarpoq.

Siunertaa:

Aappaagumut aningaasanut bugtet inaarsarlugu suliarineqalerpat uani siunnersuutigineqartut ilanngunneqarsinnaapput. Taamaasillugu qulakkeerneqarsinnaalluni ukiunut tulliuuttunut ineqarnikkut inuusuttunut naleqquttunik inissianik sanaartortoqarsinnaanissaa anguneqarsinnaassammatt.

Tasiilami inuusuttut aningaasatigut nammassinnaasaannik sanaartortoqarsinnaanissaanik periarfissat pissutsinillu inuit akornanni imminut napatissinnaalerulernissaq aqputissiuunneqarsinnaavoq. Nammineq angerlarsimaffeqarneq inuttut nalilerujussuavoq. Tamatuma malitsigisaanik inissaaleqinikkut ajornartorsiutit pakkersimaarneqalersinnaallutik.

Taamatuttaaq nunaqarfinni inuusuttoqassuseq eqqarsaatigalugu periarfissaat inissaqarnikkut aaqqissuussiffigineqartariaqarput. Ilaqarmata nunaqarfimminni najugaqarusuttunik. Taakku nunaqarfiup iluani atorfissaqartinneqaqaat. Tassuunakkut nunaqarfimminni kajumissuseq pigissagunikkut ineqarnikkut aningaasatigullu kivissinnaasaminnik periarfissaqartitaagunik nunaqarfiup iluminni pissutsinnut oqilisaataanissaa naatsorsuutigineqarsinnaavoq.

Inatsisitigut tunngavissaq allakkallu tunngaviusumik uppernarsaatitalit

Kommunit aqunneqarnerat pillugu Inatsisartut inatsisaat nr. 22, 18. novembari 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataitaasut pillugit kommunalbestyrelsimut nalunaaruteqassapput.

Suliffeqarfimmut Kiffartuussivimmit innersuussutip tunuliaqutaa:

Inuusuttunut inissianik pisariaqartitsineq siullertut matussuserneqassasoq kingornalu immikkoortumut immikkoortunut pilersaarusiortoqassasoq.

Ingerlariaqqinnissaq

Qinikkanut Allatseqarfiup siunnersuut qanoq aalajangiiffigineqassanersoq apeqqutaatillugu suliarineqarumaarpoq.

Ilanngussat

Soqanngilaq.

Punkt 04I: Sermiligaap kangerluani aalisartut illuaraannik sanaartortoqarnissaanik siunnersuut

Beslutning

Inassuteqaat itigartitsissutigineqarpoq aammalu Sanarfinermut Avatangiisinullu Ataatsimiititamut ingerlateqqinneqarluni. Suliap allaaserineqarnera naqqinneqassaaq.

Sermiligaap kangerluani aalisartut illuaraannik sanaartortoqarnissaanik siunnersuut

Kommunalbestyrelsimut ilaasortap Laura Táunâjik (S) Kommunalbestyrelsimut siunnersuutaa

Aalajangiiffigisassaq

J.nr: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Kommunalbestyrelsimut ilaasortaq Laura Táunâjik (S) 6. maaji 2019 aalajangiiffigisassatut siunnersuut kommunalbestyrelsimut nassiuppa, tassani Sermiligaap kangerluani aalisartunut illuaqqiornissaq siunnersuutigineqarpoq.

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- Siunnersuut itigartitsissutigineqassasoq

Suliassamik saqqummiussineq

Kommunalbestyrelsimut ilaasortaq Laura Táunâjik (S) 6. maaji 2019 aalajangiiffigisassatut siunnersuut Sanarfinermut Avatangiisinullu Ataatsimiititamut, tassani Sermiligaap kangerluani aalisartunut illuaqqiornissaq siunnersuutigineqarpoq.

Siunnersuuteqarnermut tunngavilersuut:

"Sermiligaap Kangerluani qaleralinnik aalisartartut ukiuni kingullerni malunnartumik amerliartuinnarput. Siuariartorneq tamanna tunngavimmigut pitsaasuvoq iluatinnarlunnarlunilu inerisartuarnissaa eqqarsaatigalu. Taamaattorli aalisartut amerligaluttuinnarnerat eqqarsaatigalugu illuaraq unnuiffigineqarsinnaasoq ataasiinnaallunilu annikittuaraavoq. Tamanna aalisartunit paggatarineqartarpoq. Ajuusaarnartuvoq aalisartut illuaqqamik amigaateqarnermikkut ilaatigut pilernguttarsimanagerat pisarsimammat. Aalisarfiusumi unnuisinnaaneq aalisartunit ornigineqarlunilu pilergineqartarsimammat.

Aalisartut nunaqarfinneersut illoqarfinneersullu amerliartorsimanagerisa kinguneraa ilaatigut Kuummiini tunitsiviup ukiup kaajallannerani tunisanik annertunerusunik tiguisinnaalerneratigut. Tamanna aalisartunut ilaqaataasunullu pitsaasuvoq, imminut pilersorsinnaanermut kaasarfimmioqarnissamik aallerfiuvoq ulluinnarni inuunermut oqilisaataalluarsinnaasoq.

Illuaqqap sanaartornissaanut aningaasarpasuit atorneqarnissaat naatsorsuutaanngilaq, taamaattoq iluaqtaalluarsinnaanera aalisartunut malunniuttussaavoq. Maannamut misilittagaasut takutimmassuk unnuinialuaraanni initalimmillu angallateqanngikkaanni allatut ajornartumik nunaqarfigisamut/illoqarfigisamut utertariaqartarluni. Tamanna uggornartuvoq inuussutissarsiut siuariartortoq aporfiiit annikittut peqqutigalugit aalisartut ilaatigut aqqut takisooq atorlugu angerlaqqittariaqarsimammata. Uani aalisartut pimoorussillutik aalisarnerat siuarsartuaannartariaqartoq qinikkanit tapersersortuaanneqarnissaa sakkortuumik kaammattuutaavoq. Taamaattumik uuma siunnersuutip tunngavia ilorraap tungaanut sangutitseqataasinnaasoq naatsorsuutigineqarsinnaavoq."

Siunertaa:

"Sermiligaap kangerluani aalisarfiup qanitaani illuaraq aapperlugu sanaartortoqaqqinnissaa uani siunertaavoq. Illuaqqamik aalisartut unnuiffigisinnaasaannik amigaateqarneq aalisartunit oqariartuutigineqaqattaarpoq. Tamanna tunngavimmigut iluaqutaaginnarani arlalinnik pitsaaquteqarpoq. Aningaasarpassuit atunngikkaluarlugit taamatut sanaartorsinnaaneq aalisarnikkut siuariartortunut pitsaalluinnartuusoq qularutissaanngilaq, inuussutissarsiutip siumut ingerlasup tapersersornissaa pingaaruteqarluinnarpoq. Annertunngikkaluaq sunniutaasinnaasulli annertuumik alloriartitseqataasinnaapput. Taamaattumik kissaatigaara ataatsimiititami qaqqinneqartariaqartoq neriutigtalugu taperserneqarsinnaassasoq.

Aaqqiissutissatut siunnersuut – suliatigut naliliineq

Qinikkanut Allatseqarfiup innersuussutigaa, Kommunalbestyrelsip aalajangissagaa, siunnersuutip ataatsimiititamut susassaqtumut ingerlateqqinneqarnissaa.

Aningaasatigut sulisoqarnikkullu naliliinerit

Aningaasatigut sulisoqarnikkullu naliliinerit, suliap ataatsimiititamut susassaqtumut ingerlateqqinnissaanut, Kommunalbestyrelsip aalangiinerani suliamut ilaatinneqassapput.

Inatsisitigut tunngavissaq allakkallu tunngaviusumik uppersaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit sulluunniit kommunalbestyrelsimut saqqummiussinnaavai aammalu tamakku pillugit aalangiinissanut siunnersuutini saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangerinissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Suliffeqarfimmut Kiffartuussivimmit innersuussutip tunuliaqutaa:

Siunnersuut sanaartornermut tunngasut kommunalbestyrelsimit akuerineqanngitsut taamalu 2019-imut sanaartornermut missingersuutini ilaangitsut aningaasassaqtartinneqanngillat. Taamaattumik allaffeqarfimmit siunnersuutip itigartitsissutigineqarnissaa aammalu siunnersuuteqartup 2020-mut missingersuutini isumaqatigiinniarnermi suliaq saqqummiutissagaa inassutigineqarpoq. Kuummiit eqqaani aalisarneq annertusisimasooq kiisalu aalisarnerup ineriartortinneqarnissaanut killiliussat allaffeqarfiup eqqumaffigai. 2019-imulli missingersuutini sumiiffimmi illuaqqamut aningaasanik immikkoortitsisoqarsimanngilaq pisariaqartitsinerullu annertussusaanik periarfissanillu allanik misissuisoqarsimanani aamma Kommuneqarfik Sermersuumi aalisarfinni allani pissutsit sanilliunneqarsimanngillat.

Ingerlariaqqinnissaq

Siunnersuut qanoq aalangiiffigineqassanersoq apeqqutaatillugu Qinikkanut Allatseqarfimmit suliarineqarumaarpoq.

Ilanngussat.

Soqanngilaq.

Punkt 04J: Akuerineqarluni atuutinnginnissamik piumasaqarneq

Beslutning

Kommunalbestyrelsimi ilaasortat 18-it Asii C. Narup-ip tunuarniuteqarluni qinnuteqaataa akueraa. Justus Hansen taaseqataannilaq

Kommunalbestyrelsip Charlotte Pikep ilaasortannguinnera tusaatissatut tiguaat

Kommunalbestyrelsip Storm Ludvigsenip sulinngiffeqarluni qinnuteqaataa akueraa, Siumut aamma Demokraatit tusaatissatut tiguaat.

Kommunalbestyrelsip Lone Rosengreen Pedersenip Malene Lynge aammalu Storm Ludvigsenip sulinngiffeqarnermut qinnuteqarneri tunngaviullutik ilaasortanngornera tusaatissatut tiguaat

Inuit Ataqtigiit, Suleqatigiissitsisut Charlotte Ludvigsen borgmesteritut toqqarpaat. Siumut aamma Demokraatit taaseqataannigillat.

Charlotte Ludvigsenip ataatsimiititaliani ilaasortaaffigisai imannak agguataarneqarput:

Suliffeqarnermut Isumaginninnermullu Ataatsimiititami nutaatut ilaasortanngorpoq Lone Rosengreen Pedersen

Aningaasaqarnermut Inuussutissaqarnermullu Ataatsimiititami Henrik Rachlevimut sinniisutut ilaasortanngortinneqarpoq Inge Olsvig Brandt.

Meeqqanut Ilaqutariinnullu Ataatsimiititami Rasmine Geislerimut sinniisussatut toqqarneqarpoq Charlotte Pike.

Bilag

Borgmester_Bilag 1 GRL.docx

Akuerineqarluni atuutinnginnissamik piunasaqarneq

Borgmesteri Asii Chemnitz Narup tunuarniuteqarlunilu piunasaqarpoq tunuarnissamut

Aalajangiiffigisassaq

J.nr.: 01.01-A00-5-19

Suliffeqarfimmut Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Borgmesteri Asii C. Narup juunip arfineq-pingajuanni 2019 aqutsinermut inatsimmi §7 imm. 2 naapertorlugu borgmesteritut kommunalbestyrelsimullu ilaasortatut tunuarniuteqarpoq juunip aqqarnani 2019-imi atuutilersumik.

Qinnuteqartoqarneratigut kommunalbestyrelsip borgmesteri piffissap qinigaaffiup sinnerani atuukkunnaarsissinnaavaa. Aalajangiineq una erseqqissumik nalilersuinermit aallaaveqassaaq. Aammalu kommunalbestyrelsimit tunuarniuteqarneq aamma kommunalbestyrelsimit aalajangerneqassaaq.

Inassuteqaatit

Suliffeqarfimmut Kiffartuussiviup Kommunalbestyrelsimut inassuteqaatigaa:

- Asii C. Narupip kommunalbestyrelsimit tunuarnissamik piunasaqarnera aammalu borgmesteritut atuutinnginnissaminik piunasaqarnera kommunalbestyrelsip aalajangiiffigisagaa
- Asii C. Narupip kommunalbestyrelsimit tunuarniuteqarluni piunasaqaataanik kommunalbestyrelsimit akuersinikkut Charlotte Pikep (IA) kommunalbestyrelsimi aalajangersimasumik ilaasortanngornera tusaatissatut tiguneqassasoq
- Kommunalbestyrelsi aalajangiissasoq Storm Ludvigsen-ip (AI) piffissaligaanngitsumik sulinngiffeqarnissamik qinnuteqaataanut
- Lone Rosengreen Pedersen-i (IA) Malene Lyngemut (IA) sulinngiffeqarallartumut sinniisusanngornera kommunalbestyrelsip tusaatissatut tigussagaa
- kommunalbestyrelse, borgmesteritut tunuarnissamik piunasaqaammik akuersinikkut borgmesterimik nutaamik amerlanerussuteqavinnikkut toqqaassasoq

Suliassamik saqqummiussineq

Borgmester Asii C. Narup juunip arfineq-pingajuanni 2019 akuerineqarluni tunuarnissaminik piunasaqarpoq aqutsinermut inatsimmi § 7 imm. 2 naapertorlugu, juunip aqqarnani 2019-imiit atuutilersumik. Qinnuteqartoqarneratigut kommunalbestyrelsip borgmesteri piffissap qinigaaffiup sinnerani atuukkunnaarsissinnaavaa. Aalajangiineq una erseqqissumik nalilersuinermit aallaaveqassaaq.

Kommunit aqunneqarnerat pillugu inatsimmi § 7 Imm. 3 aqutsinermut inatsimmi naapertorlugu *"Borgmesteri imaluunniit borgmesterip tullia akuerineqarluni atorfiminiit tunuarpat, toqppat imaluunniit kommunalbestyrelsimit tunuarpat nutaamik qinersineqassaaq malittarisassat § 6-imiittut naapertorlugit, kommunalbestyrelsip piffissami qinigaaffiata sinnerani atuuttussamik."*

Tamanna tunngavigalugu piunasaqaat akuersissutigineqarpat kommunalbestyrelse borgmesterimik nutaamik toqqaassaaq.

Borgmesterimik qinersineq aqutsinermik inatsimmi § 6 imm 2 naapertorlugu ingerlanneqassaaq: *"Qinigassannqortittoq borgmesteritut qinigaassaaq taasisut affaannit amerlanerusunit qinerneqaruni. Qinigassannqortittoq amerlanerussuteqarluinnartumik qinigaanngippat taaseqqittoqassaaq. Taasineq taanna qinigassannqortittumut amerlanerussuteqarluinnartumik taasiffiunngippat qinigassannqortittut aappassaannik taasinermi qinerneqarnerpaat akornanni pingajussaani taasisoqassaaq. Qinersinermi taasinerit naligiissimappata qinersineq makitsinikkut aalajangerneqassaaq."*

Asii C. Narupip kommunalbestyrelsimit tunuarnissani aamma piumasaqaatigaa.

Qinersinermit inatsik § 54. *"Ilaasorta qinigaaffiup iluani kommunalbestyrelsimit tunuarniarluni qinnuteqarpat, qinnuteqaat taamaattoq qanoq kinguneqartinneqassanersoq kommunalbestyrelsip aalajangissavaa"*.

Tamanna akuersissutigineqassappat Charlotte Pike (IA), aalajangersimasumik ilaasortanngussaaq. Taavalu Storm Ludvigsen (IA) Malene Lyngemut (IA) 2020-imut sulingiffeqarallartumut, sinniisussanngussaaq.

Nutaamik Borgmestereqalernerup kingunerissavaa Aningaasaqarnermut Inuusutissarsiornermullu Ataatsimiititami siulittaasup taarsenissaa, tassani aqutsinermit inatsimmi § 24 imm. 2 naapertorlugu borgmesteri Aningaasaqarnermut Inuusutissarsiornermullu Ataatsimiititami siulittaasuummat.

Storm Ludvigsen-i juunip aqqarnani 2019 kommunalbestyrelsimi ilaasortatut sulingiffeqarnissamik peqquteqarpoq (takuuk ilaliussaq 2), sulingiffeqarnissamik qinnuteqaat piffissaligaanngilaq taamaattumillu ullumik taggiussinertaqarani. Sulingiffeqarnissamik qinnuteqaat qaammatit marluk sinnerpagit kommunalbestyrelsimiit aalajagiiffigineqassaaq aammalu akissarsinertaqassanani.

Kommunit aqunneqarnerannut inatsit § 26 imm. 3 naapertorlugu ilaasortat allat ataatsimiititani ilaasortaaffii taarsertussaanngillat, ataatsimiititaliani ilaasortaaneq qinigaaneq kommunalbestyrelsip piffissamut qinigaaffianut atuummat. Tamatuma kingunerissavaa Charlotte Pike´p ataatsimiititani ilaasortaaffii nikissanngitsut aammalu Lone Rosengreen Pedersen ataatsimiititani ilaasortaaffeqalissanngitsaq.

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq Kommunalebestyrelsinut, nunaqarfinni siulersuisunut ilagiillu sinniisaannut qinersisernerit pillugit Inatsisartut inatsisaat nr. 27, 28. november 2016-imeersoq.

Ingerlariaqqinnissaq

Aalajagerneq malinneqassaaq.

Ilanngussat

1. Borgmesteri Asii Chemnitz Narupip piumasaqaataa.
2. Storm Ludvigsen orlov

Punkt 04K: Borgmesterip tullia siullertut atuukkunnaarnissaq

Beslutning

Michael Rosing suliamut attuumavallaarnerarluni nalunaarpoq

- Randi Evaldsen tunuarniutaa akuerineqarpoq Inuit Ataqatigiit, Siumut aamma Demokraatiniit
- Nivi Olsenip sulinnigiffeqareernerup kingorna atuukkunnaarnissamut qinnuteqaataa Inuit Ataqatigiit, Siumumiit aamma Demokraatiniit akuerineqarpoq
- Nivi Olsenip 1. august 2020-mut sulinnigiffeqarnissamut qinnuteqaataa Inuit Ataqatigiit,, Siumumiit aamma Demokraatiniit akuerineqarpoq
- Borgmesterip tullia siullertut Inuit Ataqatigiinniit toqqarneqarpoq Uju Petersen. Siumut aamma Demokraatit tamanna tusaatissatut tiguaat,
- Borgmesterip tullia tullianut innersuunneqarpoq Harald Bianco. Innersuussutigineqartoq Inuit Ataqatigiimit akuersissutigineqarpoq. Tassunga Demokraatit taaseqataannngillat. Siumumiit Ane Egede Mathæussen borgmesterip tullia tulliatut innersuutigaaat.

Siumut 2. viceborgmester pillugit qularinnippoq suliassarlu misissortinniarlugu

Siumut-miit ikinnerussuteqarluni oqaaseqaat

Siumumiit erseqqissaatigissavaarput 1. viceborgmester uani pineqanngimmat kisiannili 2. viceborgmester d'hondts metode malillugu toqqarneqartussatut Siumut naliliimmat, tassami inatsit pineqartoq imannak kalaallisut allaqqavoq:

"§7, *Imm.* 3. Borgmesteri imaluunniit borgmesterip tullia akuerineqarluni atorfimminiit tunuarpat, toquppat imaluunniit kommunalbestyrelsimit tunuarpat nutaamik qinersineqassaaq malittarisassat § 6-imiittut naapertorlugit, kommunalbestyrelsip piffissami qinigaaffiata sinnerani atuuttussamik. Borgmesterip tullii marluk qinerneqarsimappata inissaq inuttaaruttoq kommunalbestyrelsimi gruppimit toqqaasimasunit inuttalerneqassaaq."

Una malugeqqunarpoq: "kommunalbestyrelsip piffissami qinigaaffiata SINNERANI atuuttussamik."

Umma qulaani allassimasup ersersippaa qinigaaffiup aallaqqaataaniit naneranut pineqanngimmat, kisiannili massakkumiit qinigaaffiup sinneranut pineqarmat!"

Tassami Borgmester, 1. viceborgmester aamma 2. viceborgmester tamarmik atorunnaarput aallaqqaataaniillu qinersisoqarmat, taamaattumik kialluunniit takusinnaavaa massakkumiit qinigaaffiup sinneranut pineqartoq.

Bilag

Bilag 1 Randi 1. viceborgmester_trækker sig GRL.docx

Bilag 2 Nivi Olsen GRL+DK.docx

Borgmesterip tullia siullertut atuukkunnaarnissaq

Borgmesterip tullia siullertut atuukkallartoq aamma borgmesterip tullia siulleq atuukkunnaarnissamut qinnuteqarput

Aalajangiiffigisassaq

J.nr.:

Suliffeqarfimmut Kiffartuussivik - kommunaldirektøri Lars Møller-Sørensen /LMS

Suliassamik eqikkaaneq

Borgmesterip tullia siulleq Randi Vestergaard Evaldsen aamma Nivi Olsen borgmesterip tullia siullertut sulinngiffeqartoq juunip 11-ianiit atuutilersumik tunuarniuteqarnissamut qinnuteqarput, naleqqiuguk kommunit aqunneqarneranni § 7, imm. 2.

Qinnuteqartoqarneritigut kommunalbestyrelsip borgmesterip tullia piffissap qinigaaffiup sinnerani atuukkunnaarsissinnaavai. Nalilersuineq una nalilersuinermit aalajangersimasumit aallaaveqartassaaq.

Borgmesterip tullersortaatusiullertut tunuarniuteqarnermi saniatigut Nivi Olsen sulinngiffeqarnini 1. Juuli 2019-imiit 1. Augusti 2020-imut sivitsuinissamik qinnuteqarpoq

Inassuteqaatit

Suliffeqarfimmut Kiffartuussiviup Kommunalbestyrelsimut inassuteqaatigaa:

- borgmesterip tullia siulliup Randi Vestergaard Evaldsenip borgmesterip tullia siullertut atuukkunnaarnissamut qinnuteqaataa kommunalbestyrelsip aalajangiiffigisagaa,
- borgmesterip tullia aappaata Nivi Olsenip borgmesterip tullia siullertut sulinngiffeqarnerup kingorna atuukkunnaarnissamut qinnuteqaataa kommunalbestyrelsip aalajangiiffigisagaa,
- kommunalbestyrelsi Nivi Olsen-ip sulinngiffeqarnissaminik 1. Augusti 2020-imut sivitsuinissamut qinnuteqaataa aalajangiiffigisagaa
- suleqatigiit Inuit Ataqtigiit, Demokraatit aamma Atassut borgmesterip tullia siullertut atuuttussanik toqqaassasut,

Suliassamik saqqummiussineq

Borgmesterip tullia siulleq Randi Vestergaard Evaldsen aamma Nivi Olsen borgmesterip tullia siullertut sulinngiffeqartoq tunuarniuteqarnissamut qinnuteqarput juunip 11.-iani 2019-imiit atuutilersussamik, naleqqiuguk kommunit aqunneqarneranni § 7, imm. 2.

Qinnuteqartoqarneritigut kommunalbestyrelsip borgmesterip tullia piffissap qinigaaffiup sinnerani atuukkunnaarsissinnaavai. Nalilersuineq una nalilersuinermit aalajangersimasumit aallaaveqartassaaq.

Kommunit aqunneqarnerat pillugu inatsimmi § 7, imm. 3. "*Borgmesteri imaluunniit borgmesterip tullia akuerineqarluni atorfirmiit tunuarpat, toquppat imaluunniit kommunalbestyrelsimiit tunuarpat nutaamik qinersineqassaaq malittarisassat § 6-imiittut naapertorlugit, kommunalbestyrelsip piffissami qinigaaffiata sinnerani atuuttussamik. Borgmesterip tullii marluk qinerneqarsimappata inissaq inuttaaruttoq kommunalbestyrelsimi gruppimit toqqaasimasunit inuttalerneqassaaq.*"

Borgmesterip tullersortaatusiullertut tunuarniuteqarnermi saniatigut Nivi Olsen sulingiffeqarnini 1. Juuli 2019-imiit 1. Augusti 2020-imut sivitsuinissamik qinnuteqarpoq. Inatsit najoqqutaq; "§ 15. Ilaasortaq kommunalbestyrelsip ataatsimiinnissaani napparsimanini, naartunini, erninini, meeravissiartaarnini, inuiaqatigiinni sullissisussaataitaalluni pisussaaffiligaanini, inuutissarsiutini assigisaalluunniit pissutigalugit ataatsimeeqataasinnaajunnaarpat ilaasortap pisinnaanngitsup qinigaqaqatigisimasaasa, (...), piumasarisinnaavaat sinniisussap ataatsimiigiaqquneqarnissaa. (...).

Imm. 2. Kommunalbestyrelsimut ilaasortaq imm. 1-imi taagorneqartuni pissuteqarluni qaammatit marluk sinnerlugit suliassanik isumagisaqarnissamik pisinnaanngitsaq, kommunalbestyrelsimut ilaasortaq akissaateqarani sulingiffeqarallarnissamik qinnuteqassaaq, taamaattorli tak. § 56, imm. 8. Sulingiffeqarallarnissamik qinnuteqaat borgmesterimut nassiunneqassaaq, qinnuteqaallu imaqaassaaq pissutaasutut tunuliaqutaasooq pillugu paasissutissamik aamma taamatut pisinnaanginnermut pissutaasup qanoq sivisutiginnissaa naatsorsuutigineqarnerooq. Qinnuteqarnermut atatillugu uppersarsaatit pisariaqartut qinnuteqaammut ilaatinneqassapput imaluunniit borgmesterip taakkuninnga noqqaassuteqarneratigut nassiunneqassapput. Borgmesterip sinniisussaaq kommunalbestyrelsip ataatsimiinnissaanut tulliuttumut siullermut ataatsimiigiaqqussavaa.

Imm. 3. Kommunalbestyrelsip aalajangissavaa ilaasortap sulingiffeqarallarnissannik qinnuteqaataani aamma sinniisussap isernissaanut piumasaqaataasut eqqortinneqarneroot.

Sulingiffeqarnissamik qinnuteqarnee akuerineqassappat Michael Rosing ilaasortaanginnarallassaaq Nivi Olsen-ip sulingiffeqarnerani imlt. Tillie Martinussen-ip sulingiffeqarnerani. Michael Rosing-ip ilaasortaaffini attatiinnassavaa.

Inatsisitigut tunngavissaaq allakkallu tunngaviusumik uppersarsaatitaliit
Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlariaqqinnissaaq

Aalajagiineq malinneqassaaq.

Ilanngussat

1. Randi Vestergaard Evaldsenip qinnuteqaataa
2. Nivi Olsen-ip qinnuteqaataa

Punkt 5: Taasariaqartut allat

Beslutning

Thiiooq Knudsen: Maajip qaammataata ingerlanerani Kommunalbestyrelsimi ilaasortat tamarmik Kommuneqarfik Sermersuumit Tasiilap ukiut 125-nngortorsiornerani juunip ulluisa 22-t 2019 qaaqqunearput. Kisianni tassa qaaqqusissummi allaqqavoq Tasiilamut angalaneq nammineq akilerneqassasoq aamma nammineq nerisassat akilerneqassasut kiisalu ullormusiaqassanngitsugut. Ukiuni 20-ini ilaasortaaninni qaaqqusissummik aatsaat taama tukatsigisumik takuvunga. Akuerineqarsinnaanngilaq Tasiilamut kommunalbestyrelsi qaaqqoriarlugu ilaasortanit namminneq angalanissaq nerisaqarneq ineqarnissarlu akilerneqarnissaat. Tupaallassimaaqaanga.

Punkt 6: Suliat matoqqasut

Punkt 06A: Lukket

Punkt 7: Imaqarniliap akuerineqarnera

Beslutning

Imaqarniliaq akuerineqarpoq nal. 20:34